


元史



紀卷第四十二

元史四十三

翰林學士大夫知制誥兼修國史直學士承旨

黎

順帝五

九年春正月下酉享于太廟癸卯立山東河南等處
行都水監專治河患乙巳廣西徭賊復陷道州萬戶
鄭均擊走之丙午命中書平章政事太不花提調會
同館庚戌太白犯建星辛亥太白犯平道二月戊辰
祭社稷辛巳太不花辭職不允甲申太陰犯建星三
月丁酉埧河淺溢以軍士民夫各一萬濬之己亥太

白犯壘壁陣已巳命大司農達識帖睦爾為湖廣行
省平章政事是月河北濱陳州麒麟生不乳而死
吳天保復寇沅州夏四月丁卯享于太廟丁丑以
樞密院事欽察台為中書平章政事己卯以燕南
訪使韓元善為中書左丞立鎮撫司於直沽海
津鎮壬午以河間鹽運司水災往煎鹽三萬引是月車駕
時巡上都五月戊戌命傳脫脫提調大幹耳朶內
史府庚子詔修黃河金堤民夫日給鈔三貫辛丑罷
瑞州路上高縣長官司庚戌命翰林國史院等官薦
舉守令丙辰定守令拮攝之法路督攝府府督攝州

州督攝縣是月白茅河東注沛縣遂成巨浸蜀江大
溢浸漢陽城民大饑六月丙子刻小玉印以至正珎
秘為文凡秘書監所掌書畫皆識之秋七月庚寅監
察御史幹勅海壽劾奏殿中侍御史哈麻及其弟雪
雪罪惡御史大夫韓嘉訥以聞不省章三上詔奪哈
麻雪雪官出海壽為陝西廉訪副使韓家訥為宣政
院使壬辰詔命太子愛猷識理達臘習學漢人文書
以李好文為諭德歸賜為贊善張冲為文學李好文
等上書辭不許賜公主不答昔你平江田五十頃甲
午以也先帖木兒為御史大夫乙未以湖廣行省左

丞相亦憐真班知樞密院事丙午太陰犯壘壁
丙辰
丑太陰犯天闕甲寅以栢顏為集賢太學士乙卯罷
右丞相朶兒只依前為國王左丞相太平為翰林學
士承旨是月大霖雨水沒高唐州城江漢溢漂沒民
居禾稼閏月辛酉詔脫脫為中書右丞相仍太傅韓
家訥為江浙行省平章政事庚午以也可扎魯忽赤
搠思監為中書右丞同知樞密院事玉樞虎兒吐華
為中書參知政事辛巳詔赦湖廣徭賦誣誤者戊子
命岐王阿剌乞鎮西番八月甲辰以集賢大學士栢
顏為中書平章政事河南行省平章政事月魯不花

為宣政院使庚戌以司徒雅普化提調太史院知經
筵事是月車駕還自上都九月甲子凡建言中外利
害者詔委官選其可行之事以聞丙寅命平章政事
栢顏提調留守司丙子中書平章政事定住以疾辭
職不允辛巳命知樞密院事亦憐真班提調武備寺
丙戌熒惑犯靈臺是月遣御史中丞李獻代祀河濱
冬十月辛卯享于太廟丁酉命皇太子愛猷識理達
臘自是日為始入端本堂肄業命脫脫領端本堂事
司徒雅普化知端本堂事端本堂虛中座以俟至尊
臨幸太子與師傅分東西向坐授書其下僚屬以次

列坐。十一月戊午朔日有食之。戊辰太陰犯畢宿庚辰太白犯壘壁陣。十二月戊戌太白復犯壘壁陣。丁未徭賊吳天保陷辰州。是歲詔汰冗官均俸祿賜致仕官及高年。帛漕運使賈魯建言便益二十餘事。從其八事。其一曰京畿和糶。二曰優卹漕司舊領漕戶。三曰接運委官。四曰通州總治豫定委官。五曰船戶困於埧夫。海糧壞於埧戶。六曰䟽濬運河。七曰臨清運糧萬戶府當隸漕司。八曰宜以宣忠船戶付本司節制。冀寧平遙等縣。七。七。反命刑部郎中八十兵馬指揮沙不丁討平之。

十年春正月丙辰朔以中書右丞搠思監為平章政事。王樞虎兒吐華為中書右丞。壬戌立四川容羨洞軍民總管府。壬申太陰犯熒惑。甲戌隕石。禿州色黑。中微有金星。先有聲自西北來。至州北二十里乃隕。二月丙戌詔加封天妃。父種德積慶侯。母育聖顯慶夫人。甲子太陰犯平道。甲辰太陰犯鍵閉。三月己卯熒惑犯太微垣。是月奉化州山石裂。有禽鳥草木山川人物之形。夏四月己丑左司都事武祺建言更鈔法。丁酉赦天下。其略曰。朕纂承洪業。撫臨萬邦。夙夜厲精。靡遑暇逸。比緣倚注失當。治理乖方。是用圖任。

相俾贊萬機。受命脫脫爲中書右丞相。統正百官。允
釐庶績。曾未朞月。百度具舉。中外協望。朕甚嘉焉。尚
慮宣國之重。民物之繁。政令有未。卒生息有未。遂可
赦天下。丙午太白犯鬼宿。是月車駕時巡上都。六月
壬子星大如月。入北斗。震聲若雷。三日復還。秋七月
辛酉。太陰犯房宿。癸亥以大護國仁王寺昭應宮財
用。規運總管府仍屬宣政院。辛未太白晝見。丁丑太
白復晝見。八月壬寅。車駕還自上都。九月癸丑朔太
白晝見。辛酉祭三皇。如祭孔子禮。先是歲祀以醫官
行事。江西廉訪使文殊訥建言。禮有未備。乃勅工部

具器器。江浙行省造雅樂。太常定儀式。翰林撰樂章。
至是用之。壬戌熒惑犯天江。庚午命樞密院以軍士
五百修築白河堤。壬午脫脫以吏部選格條目繁多。
莫適據依銓選者。得以高下之。請編類爲成書。從之。
冬十月癸巳歲星犯軒轅。乙未吏部尚書僕哲篤建
言。更鈔法。命中書省御史臺集賢翰林兩院之臣。集
議之。丙申太陰犯昴宿。辛丑置諸路寶泉都提舉司。
於京城。是月大名東平濟南徐州各立兵馬指揮司。
以捕上馬賊。十一月壬子朔日有食之。丙辰以高麗
瀋王之孫脫脫不花等爲東宮怯薛官。辛酉罷遼陽

濱海民煎熬野鹽戊辰太陰犯鬼宿己巳詔天下以
中統交鈔壹貫文權銅錢壹千文準至元寶鈔二貫
仍鑄至正通寶錢並用以實鈔法至元寶鈔通行如
故是月三是隕于耀州化爲石如斧形削之有屑擊
之有聲十二月壬午朔修六都城辛卯以大司農禿
魯等兼領都水監集河防正宮議黃河便益事命前
同知樞密院事不顏不花等討廣西徭賊乙未太陰
犯鬼宿己酉方國珎攻温州是歲京師麗正門樓上
忽有人妄言災禍鞫問之自稱薊州人己而不知所
往。

十一月春正月乙卯享於太廟丙辰辰星犯牛宿庚
申命江浙行省左丞孛羅帖木兒討方國珎丁卯蘭
陽縣有紅星大如斗自東南墜西北其聲如雷己卯
命搆思監提調大都留守司二月庚寅太陰犯鬼宿
乙未太陰犯太微丁酉太陰犯亢宿是月命遊皇城
中書省臣諫止之不聽立湖南元帥府分府於寶慶
路三月庚戌立山東分元帥府於登州丙辰親策進
士八十三人賜朶烈圖文允中進士及第其餘賜出
身有差壬戌徵建寧處士彭炳爲端本堂說書不至
丁卯太陰犯東咸戊辰太陰犯天江是月遣使賑湖

南北被寇人民死者鈔五錠傷者二錠燬所居屋者一錠夏四月壬午詔開黃河故道命賈魯以工部尚書爲總治防防使發汴梁大名十三路民十五萬廬州等戍十八翼軍二萬自黃陵岡南達白茅放於黃固哈只等口又自黃陵西至陽青村合於故道凡二百八十里有奇仍命中書右丞玉樞虎兒吐華同知樞密院事黑廝以兵鎮之異寧路屬縣多地震半月乃止乙酉享於太廟詔加封河瀆神爲靈源神祐弘濟王仍重建河瀆及西海神廟改永順安撫司爲宣撫司丁酉孟州地震庚子罷海西遼東道巡防捕盜

所立鎮寧州辛丑師變安撫司土官田

府土官墨如許用降立長官司四巡檢司七乙巳彭

德路雨雹形如斧傷人畜是月罷濟州分元帥府改

立兵馬指揮使司復分司于膠州車駕時巡上都五

月己酉朔日有食之辛亥穎州妖人劉福通爲亂以

紅巾爲號陷穎州初樂城人韓山童祖父以白蓮會

燒香惑衆請從廣平末平縣至山童倡言天下大亂

彌勒佛下生河南及江淮愚民皆翕然信之福通與

杜遵道羅文素盛文郁王顯志韓政兒後鼓妖言謂

山童實宋徽宗八世孫當爲中國主福通等殺白馬

黑牛。嘗告天地。欲同起兵為亂。事覺。縣官捕之急。福
 通遂反。山童就擒。其妻楊氏。其子韓林兒。逃之武安。
 癸丑。文水縣雨雹。主中命。同知樞密院事。亮亦以兵
 討劉福通。授以分樞密院印。丙子。命大都至汴梁。二
 十四驛。凡馬一疋。助給鈔五錠。六月。發軍二千。從直
 沽。至通州。疏濬河道。是月。劉福通據朱皋。攻破羅山。
 真陽。確山。遂犯舞陽。葉縣等處。江浙左丞。字羅。惟木
 兒。為方國珍所敗。秋七月。丙辰。廣西大水。丁巳。罷四
 所大奴管勾洞長官司。改立忠孝軍民府。己未。太陰
 犯斗宿。壬戌。太陰犯右執法。己巳。太白犯左執法。癸

意入。鬼宿。是月。開河功成。乃議塞決河。命大司農
 建議。帖睦爾及江浙行省。參知政事。樊執敬。浙東
 廉訪使。董守憲。同招諭方國珍。八月。丁丑朔。中興
 地震。戊寅。祭社稷。乙酉。太陰犯天江。丙戌。蕭縣李
 二。及老彭。趙君用。攻陷徐州。李二。號芝麻。李與其
 黨。亦以燒香聚眾而反。是月。車駕還自上都。新州
 人。縣人。徐真。一名壽輝。與黃州麻城人。鄒普。勝
 等。以妖術陰謀聚眾。遂舉兵為亂。以紅巾為號。元
 月。戊申。以中書平章政事。桑兒直。直班。提調宣武。開
 知經筵事。平章政事。定住。提調會同館事。王子。命

御史大夫也先帖木兒知樞密院事及衛王寅徵
總率大軍出征河南妖寇各賜鈔一萬錠從征者賜
予有差乙卯辰星犯左執法丁巳太白犯房宿壬戌
詔以高麗國王不答失里之弟伯顏帖木兒襲其王
封不答失里之子遂廢戊辰太陰犯鬼宿是月劉福
通陷汝寧府及息州光州衆至十萬徐壽輝陷壽州
縣及黃州路冬十月戊寅熒惑犯太微垣己卯享于
太廟辛巳太陰犯斗宿癸未立寶泉提舉司于河南
行省及濟南真寧等路凡九江浙江西湖廣行省等
處凡三命知樞密院事老章以兵同也先帖木兒討

河南妖寇乙酉太白犯斗宿己丑太白晝見熒惑犯
歲星辛卯太白犯斗宿立中書分省于濟寧癸巳歲
星犯右執法癸卯以宗王神保克復睢寧虹縣有功
賜金帶一從征者賞銀有差丙午熒惑犯左執法是
月天雨黑子于饒州大如黍菽徐壽輝據蘄水為都
國號天完僭稱皇帝改元治平以鄒普勝為太師十
一月癸丑有星孛于婁宿甲寅孛星見于胃宿乙卯
丙辰亦如之丁巳太陰犯填星孛星微見于畢宿黃
河堤成散軍民役夫庚午監察御史徹徹帖木兒等
言右丞相脫脫治河功成宜有異數以旌其勞甲戌

元史紀事本末卷之三
江西妖人鄧南二作亂攻瑞州總管禹蘇福擒斬之。是月遣使以治河功成告祭河伯召賈魯還朝超授祭祿大夫集賢大學士賜金繫腰一銀十錠鈔千錠幣帛各二十四匹都水監并有司官有功者三十七員皆陞遷其職詔賜脫脫答剌罕之號俾世襲之以淮安路爲其食邑命立河平碑十二月丙子朔太白晝見丁丑太白經天巳卯立河防提舉司隸行都水監庚辰太白經天是夜犯壘壁陣甲申太陰犯填星丙戌太白復經天是夜復犯壘壁陣以治書侍御史烏古孫良楨爲中書叅知政事辛卯太白經天壬辰復如之丁酉太

白晝見太陰犯熒惑命脫脫於淮安立諸路打捕鷹房民匠錢糧總管府秩從三品庚子太白經天辰星犯天江辛丑太白經天也先帖木兒復上蔡縣擒韓咬兒等至京師誅之壬寅太白晝見是歲括馬

十二年春正月丙午朔詔印造中統元寶交鈔一百九十萬錠至元鈔十萬錠戊申竹山縣賊陷襄陽路總管柴肅死之是日荆門州亦陷己酉時享太廟庚戌以宣政院使月魯不花爲中書平章政事壬子中書省臣言河南陝西腹裏諸路供給繁重調兵討賊正當春首畊作之時恐農民不能安於田畝守令有

失勸課宜委通曉農事官負分道巡視督勒守令親詣鄉都審諭農民依時播種務要人盡其力地盡其利其有曾經盜賊水患供給之處貧民不能自備牛種者所在有司給之仍令總兵官禁止屯駐軍馬毋得踏踐以致農事廢弛從之乙卯淮東宣慰司添設同知宣慰司事及都事各一員丙辰徐壽輝遣偽將丁普郎徐明遠陷漢陽丁巳陷興國府己未徐壽輝遣鄒普勝陷武昌威順王寬徹普化湖廣行省平章政事和尚棄城走刑部尚書阿魯收捕山東賊給勅牒十一道使分賞有功者辛酉徐壽輝偽將曾法興

陷安陸府知府丑驢戰不勝死之癸亥刑部添設尚書侍郎郎中員外郎各一員丑愛馬添設忽刺罕赤二百名乙丑太陰犯熒惑丙寅以河復故道大赦天下巳巳歲星犯右執法辛未徐壽輝兵陷沔陽府壬申中興路陷山南宣慰司同知月古輪失領兵出戰衆潰宣慰使錦州不花山南廉訪使卜禮月敦皆遁走是月命遲魯曾爲准東添設元帥統領兩淮所募鹽丁五千討徐州拘刷河南陝西遼陽三省及上都大都腹裏等處漢人馬命四川行省平章政事月魯帖木兒爲總兵官與四川行省右丞長吉討興元金

州等處賊宣政院同知桑哥率領亦都護畏吾兒軍與荆湖北道宣慰使朶兒只班同守襄陽濟寧兵馬指揮使寶童統領右都衛軍從知樞密院事月闕察兒討徐州二月乙亥朔詔許溪洞蠻徑自新丁丑丁集賢大學士賈魯爲中書添誤左丞以河南廉訪使谷藍朶兒只爲荆湖北道宣慰使都元帥守襄陽癸未命諸王禿堅領從官百人馳驛守揚州賜金一錠鈔一千錠命寧王牙安沙鎮四川賜鎮南王孛羅不花鈔一萬錠甲中鄒平縣馬子昭爲亂捕斬之乙酉徐壽輝兵陷江州總管李黼死之遂陷南康路丙戌霍州

靈石縣地震徐壽輝兵陷岳州房州賊陷歸州戊子詔徐州內外羣聚限衆限二十日不分首從並與赦原置安東安豐分元帥府己丑游皇城庚寅太陰犯太微垣癸巳太陰犯氐宿辛丑鄧州賊王權張椿陷澧州龍鎮衛指揮使俺都刺哈蠻等帥師復之褒贈伏節死義宣徽使帖木兒等二十七人壬寅以御史大夫納麟爲江南行臺御史大夫仍太尉命翰林學士承旨八剌與諸王孛蘭奚領軍守大名癸卯命書平章政事月魯不花知經筵事左丞賈魯參知政事帖理帖木兒烏古孫良楨並同知經筵事是月賊

元史系卷四十二
侵滑濬命德住爲河南右丞守東明德住時致仕于家聞命馳至東明浚城隍嚴備禦賊不敢犯徐壽輝僞將歐祥陷袁州命帖理帖木兒以中書參知政事分省濟寧三月乙巳朔追封太師忠王馬扎兒台爲德王丁未徐壽輝僞將許甲攻衡州洞官黃安撫敗之徐壽輝僞將陶九陷瑞州總管禹蘇福萬戶張岳敗之壬子河南左丞相太不花克復南陽等處癸丑中書省臣請行納粟補官之令凡各處士庶果能爲國宣力自備糧米供給軍儲者照依定擬地方實授常選流官依例陞轉封廕及已除茶鹽錢穀官者能再備

錢糧供給軍儲者驗見授品級改授常流從之戊午太陰犯進賢辛酉命親王阿兒麻以兵討商州等處賊以鞏卜班知行樞密院事壬戌太陰犯東咸甲子徐壽輝僞將項普略陷饒州路遂陷徽州信州四川未附生蠻向亞甲洞主墨得什用出降立盤順府丁卯江南行臺御史大夫帖木哥乞致仕不允以爲甘肅行省平章政事以出征馬少出幣帛各一十萬疋於迤北萬戶千戶所易馬戊辰太白晝見詔南人有才學者依世祖舊制中書省樞密院御史臺皆用之中書省臣言張理獻言饒州德興三處膽水浸鐵可

以成銅。宜卽其地各立銅冶。直隸寶泉提舉司宜以張理就爲銅冶場官從之。以江浙行省左丞相亦憐真班爲江西行省左丞相領兵收捕饒信賊。庚午詔隨朝一品職事及省臺院六部翰林集賢司農太常宣政宣徽中政資正國子祕書崇文都水諸正官各舉循良材幹。智勇兼全。堪充守令者二人。知人多者不限員數。各處試用守令。並授兼管義兵防禦諸軍。與魯勸農事所在。上司不許擅差守令。旣已優陞。其佐貳官員比依入廣例量陞二等。任滿驗守令全治者與真授不治者全削二等。依本等敘。半治者減

一等敘。雜職人員其有知勇之士。並依上例。凡除常選官於殘破郡縣及迫近賊境之處。陞四等。稍近賊境。陞二等。是月方國珍復劫其黨下海。入黃巖港。台州路達魯花赤泰不花率官軍與戰死之。隴西地震百餘日。城郭頽夷。陵谷遷變。定西會州靜寧庄浪尤甚。會州公宇中墻崩。獲弩五百餘。張長者丈餘。短者九尺。人莫能挽。改定西爲安定州。會州爲會寧州。詔定軍民官不守城池之罪。閏三月辛巳。以台州路達魯花赤泰不花爲江浙行省參知政事。行台州路事。命下泰不花已死。壬午。以大理宣慰使荅失八都魯

元史卷四十一
為四川行省添設參知政事與本省平章政事咬住
討山南湖廣等處賊乙酉徐壽輝偽將陳普文陷安
吉路鄉民羅明遠起義兵復之命工部尚書朶來兵
部侍郎馬某火者分詣上都察罕腦兒集寧等處給
散出征河南達達軍口糧立淮南江北等處行中書
省治揚州轄揚州高郵淮安滁州和州廬州安豐安
慶蘄州黃州壬辰以大都留守兀忽失為江浙行省
添設右丞討饒信賊丙申阿速愛馬里納忽台擒滑
州開州賊韓兀奴罕有功授資用庫大使丁酉湖廣
行省參知政事鐵傑以湖南兵復岳州戊戌詔淮南

省設官二十五員以翰林學士丞旨晃火兒不花湖
廣平章政事失列門並為平章政事淮東元帥蠻子
為右丞燕南廉訪使秦從德為左丞陝西行臺侍御
史谷失禿山北廉訪使趙璉並為參知政事庚子以
樞密副使悟良哈台為中書添設參知政事同知經
筵事辛丑命淮南行省平章政事晃火兒不花提調
鎮南王傅事是月詔四川行省平章政事咬住以兵
東討荆襄賊克復忠萬夔雲陽等州命江西行省左
丞相亦憐真班以兵守江東西關隘命諸王亦憐真
班愛因班參知政事也先帖木兒與陝西行省平章

政事月魯帖木兒討南陽襄陽賊刑部尚書阿魯討
海寧賊江西行省右丞火你赤與參知政事朵觶討
江西賊以浙東宣慰使恩寧普代江浙行省左丞左
荅納失里守蕪湖命江西行省右丞兀忽失江浙行
省左丞老老與星吉不顏帖木兒蠻子海牙同討饒
信等處賊方國瑯不受招安之命命江浙左丞左荅
納失里討之命典瑞院給淮南行省銀字圓牌三百
驛券五十道詔江西行省左丞相亦憐真班淮南行
省平章政事晃火兒不花江浙行省左丞左荅納失
里湖廣行省平章政事也先帖木兒四川行省平章

政事八失忽都及江南行臺御史大夫納麟與江浙
行省官並以便宣行事也先帖木兒駐軍沙河軍中
夜驚軍潰退屯朱仙鎮詔以中書平章政事蠻子代
總其兵也先帖木兒還京師仍命爲御史大夫夏四
月癸卯朔日有食之江西臨川賊鄧忠陷建昌路己
酉時享太廟甲寅以御史大夫搠思監爲中書平章
政事提調留守司乙卯鐵傑及萬戶陶夢禎復武昌
漢陽尋再陷丙辰江西宣黃賊塗佑與邵武建寧賊
應必達等攻陷邵武路總管吳按攤不花以兵討之
千戶魏淳以計擒塗佑應必達復其城辛酉翰林學

士承旨渾都海牙乞致仕不允以爲中書平章政事
四川行省參知政事桑哥失里復渠州甲子翰林學
士承旨歐陽玄以湖廣行省右丞致仕賜玉帶及鈔
一百錠給全俸終其身戊辰諸王禿堅帖木兒平章
政事也先帖木兒討和州有功各賜金繫腰并鈔一
千錠辛未荆門知州聶炳復荆門州平章政事忽都
海牙年老有疾詔免其朝賀是月大駕時巡上都永
懷縣賊陷桂陽咬住復歸州進攻峽州與峽州總管
趙余禡大破賊兵誅賊將李太素等遂平之詔天下
完城郭築隄防命亦都護月魯帖木兒領畏吾兒軍

馬同豫王阿剌忒納失里知樞密院事老章討襄陽
南陽鄧州賊陝西行臺監察御史蒙古魯海牙范文
等糾言也先帖木兒喪師辱國乞明正其罪詔不允
左遷西臺御史大夫朶爾直班爲湖廣行省平章政
事蒙古魯海牙十二人爲各路添設佐貳官五月癸
酉朔太白犯鎮星戊寅命龍虎山張嗣德爲三十九
代天師給印章海道萬戶李世安建言權停夏運從
之命江南行臺御史大夫納麟給宣勅與台州民陳
子由楊恕卿趙士正戴甲令其集民丁夾攻方國珍
已卯咬住復中興路庚辰監察御史徹徹帖木兒等

言河南諸處羣盜輒引亡宋故號以爲口實宜以瀛國公子和尚趙完普及親屬徙沙州安置禁勿與人交通從之罷菴兒棚等處金銀場課癸未建昌民戴良起鄉兵克復建昌路乙酉命留守帖木哥與諸王朶兒只守口北龍慶州是月答失八都魯至荆門增募兵趨襄陽與賊戰大敗克之命左答納失里仍守蕪湖險隘六月丙午中書省臣言大名路開滑濬三州元城十一縣水旱蟲蝗饑民七十一萬六千九百八十口給鈔十萬錠賑之戊申命治書侍御史杜秉彝中書參議李稷並兼經筵官辛亥太白犯井宿河南

行省左丞匝納祿叅知政事王也速迭兒並以失誤軍需左遷添設淮西宣慰使隨軍供給命河南行省平章政事秃魯叅知政事李猷供給汝寧軍需丁巳賜中書叅知政事悟良哈台珠衣并帽乙丑宣讓王帖木兒不花諸王乞塔巧曲憐帖木兒及淮南廉訪使班祝兒並平賊有功賜金繫腰銀鈔有差紹慶宣慰使楊延禮不花遙授湖廣左丞楊伯顏卜花爲紹慶宣慰使換文資楊城爲沿邊溪洞招討使兼征行萬戶回賜先所拘收牌面丙寅紅巾周伯顏陷道州修太廟西神門秋七月丁丑時享太廟庚辰饒徽賊

元史紀事本末卷四十一
犯昱嶺關陷杭州路辛巳命通政院使答兒麻失里
與樞密副使禿堅不花討徐州賊給勅牒三十道以
賞功巳丑湘鄉賊陷寶慶路庚寅以殺獲西番首賊
功賜岐王阿剌乞巴鈔一千錠邠王嵬厘諸王班的
失監平章政事鎖南班各金繫腰一以征西元帥幹
羅爲章佩添設少監討徐州脫脫請親出師討徐州
詔許之辛卯命脫脫台爲行樞密院使提調二十萬
戶賜金繫腰一銀鈔幣帛有差丁酉辰星犯靈臺以
杜秉燹爲中書添設叅知政事湖南元帥副使小云
失海牙總管兀顏思忠復寶慶路是月徐壽輝僞將

王善康壽四江二蠻等陷福安寧德等縣八月癸卯
命中書叅知政事帖理帖木尔淮南行省右丞蠻子
供給脫脫行軍一應所需方國珍率其衆攻台州城
浙東元帥也忒迷失福建元帥黑的兒擊退之甲辰
以同知樞密院事哈麻爲中書添設右丞齊王失烈
門獻馬一萬五千匹于京師賜脫脫金三錠銀三十
錠鈔一萬錠幣帛各一千疋丁未日本國白高麗賊
過海剽掠身稱島居民高麗國王伯顏帖木兒調兵
剿捕之賜金繫腰一鈔二千錠巳酉命知樞密院事
咬咬中書平章政事搠思監也可扎魯忽赤福壽並

從脫脫出師征徐州賜金繫腰及銀鈔幣帛有差翰
林學士承旨闊怯鎮遏五投下百姓賜金繫腰一王
子以扎撒溫孫爲河南行省右丞僕哲篤爲淮南行
省左丞各賜鈔五十錠丙辰以禿思迷失爲淮南行
省平章政事丁巳命中書平章政事普化知經筵事
脫脫將出師六部尚書密邇麻和謨等上言大臣天
子之股肱中書庶政之根本不可以一日離乞詔留
賢相弼亮天工如此則內外有兼治之宜社稷有倚
重之寄不報脫脫言皇后幹耳朶思支用不敷自今
爲始每年宜給金一十錠銀五十錠以同知樞密院

事雪雪出軍南陽同知樞密院事禿赤出軍河南皆
有功各進階榮祿大夫中書右丞哈麻進階榮祿大
夫庚申命哈麻等提調各怯薛各愛馬口糧丁卯太
白犯歲星詔脫脫以荅刺罕太傅中書右丞相分省
于外督制諸處軍馬討徐州中書省樞密院御史臺
分官屬從行稟受節制爵賞有功誅殺有罪綏順討
逆悉聽便宜從事是日發京師是月大駕還大都安
陸賊將俞君正復陷荆門州知州聶炳死之賊將黨
仲達復陷岳州九月乙亥俞君正復陷中興咬住領兵與
戰於樓臺敗績奔松滋本路判官上都死之己卯監

察御史及河南分御史臺行樞密院河南廉訪司鞏
昌總帥府陝西都府義兵萬戶府等官交章言。御史
大夫也先帖木兒。出征河南功績。庚辰賜也先帖木
兒金繫腰一金一錠銀一十錠鈔五千錠幣帛各一
百匹癸未中興義士范忠偕荆門僧李智率義兵復
中興路俞君正敗走龍鎮衛指揮使俺都刺哈蠻領
兵入城咬住自松滋還屯兵于石馬乙酉脫脫至徐
州丁亥命知行樞密院事阿刺吉從脫脫討徐州賜
金繫腰一金一錠銀五錠鈔幣有差辛卯脫脫復徐
州屠其城。芝麻李等遁走。壬辰太陰犯軒轅戊戌賜

哈麻鈔三百錠買玉帶己亥賊攻辰州達魯花赤和
尚擊走之庚子詔加脫脫爲太師班師還京冬十月
丁未時享太廟庚戌知樞密院事老章進階金紫光
祿大夫命平章定住右丞哈麻同知經筵事癸丑命
和糴粟豆五十萬石于遼陽甲寅拜知行樞密院事
阿乞刺爲太尉淮南行省平章政事戊午太陰犯鬼
宿甲子太陰犯歲星乙丑太陰犯亢宿十一月辛未
命江浙行省平章政事慶童收捕常州賊乙亥以星
吉爲江西行省平章政事出師湖廣丙子中書省臣
請爲脫脫立徐州平寇碑及加封王爵癸未命江浙

行省右丞帖理帖木兒總兵討方國珍已丑以脫脫
平徐功賜金一十錠銀一百錠鈔五萬錠幣帛各三
千疋上表辭從之。庚寅太陰犯太微垣十二月壬寅
荅失八都魯復襄陽辛亥詔以杭常湖信廣德諸路
皆克復赦詿誤者蠲其夏稅秋糧命有司撫恤其民
辛酉以湖廣行省叅知政事卜顏不花右丞阿兒灰
討猺賊復湖南潭岳等處有功卜顏不花陞散階從
一品阿兒灰陞正二品癸未脫脫言京畿近地水利
召募江南人耕種歲可得粟麥百萬餘石不煩海運
而京師足食帝曰此事有利於國家其議行之是歲
海運不通立都水庸田使司于汴梁掌種植之事賴
州沈丘人察罕帖木兒與信陽州羅山人李思齊同
起義兵破賊有功授察罕帖木兒中順大夫汝寧府
達魯花赤李思齊知汝寧府。

紀卷第四十二

崇禎三年刊

卷四十二

三

紀卷第四十三

元史四十三

翰林學士雷夫知制誥蕭裕國吳濂翰林待制李昂同知制誥吳德縉官王禮等奉
勅

順帝六年

十三年春正月庚午朔用帝師請釋放在京罪囚以
中書添設平章政事哈麻為平章政事參知政事悟
良哈台為右丞參知政事烏古孫良楨為左丞詔印
造中統元寶交鈔一百九十萬錠至元鈔一十萬錠
辛未命悟良哈台烏古孫良楨兼大司農卿給分司
農司印西自西山南至保定河間北至檀順州東至

順治十六年刊

元史卷四十三

還民鎮。凡係官地及元管各處屯田。悉從分司農司立法佃種。合用工價牛具農器穀種。召募農夫諸費。給鈔五百萬錠。以供其用。旌表真定路藁城縣董氏婦貞節。壬申命陝西行省平章政事卜答失里爲總兵官。癸酉享于太廟。以皇第二子育於太尉衆家奴家。賜衆家奴及乳母鈔各一千錠。甲戌重建穆清閣。乙亥命中書右丞禿禿以兵討商州賊。丙子方國珍復降。以司農司舊署賜哈麻。庚辰中書省臣言。近立分司農司。宜於江浙淮東等處。召募能種水田及脩築圍堰之人。各一千名爲農師。教民播種。宜降空名

添設職事勅牒一十二道。遣使賫往其地。有能募農民一百名者。授正九品。二百名者。正八品。三百名者。從七品。卽書填流官職名給之。就令管領所募農夫。不出四月十五日。俱至田所。期年爲滿。卽放還家。其所募農夫。每名給鈔十錠。從之。以杜秉彝爲中書叅知政事。乙酉太陰犯太微垣。丙戌以武衛所管監臺屯田八百頃。除軍見種外。荒閑之地。盡付分司農司。答失八都魯克復襄陽樊城有功。陞四川行省右丞。賜金繫腰一。庚寅知樞密院事老章克復南陽唐州。賜金一錠。銀一十錠。鈔一千錠。幣帛各五十疋。戊戌

熒惑太白辰星聚於奎宿二月丁未祭先農巳酉太
陰犯軒轅庚戌太白犯熒惑壬子太陰犯太微垣甲
寅中書省臣言徐州民願建廟宇生祠右丞相脫脫
從之詔仍立脫脫平徐勲德碑壬戌以宣政院使篤
憐帖木兒知經筵事中書右丞悟良哈台左丞烏古
孫良楨叅知政事杜秉彝並同知經筵事三月巳卯
命脫脫領大司農司甲申詔脩大承天護聖寺賜鈔
二萬錠丁亥命脫脫以太師開府提調太史院回回
漢兒司天監巳丑以各衙門係官田地并宗仁等衛
屯田地土並付司農分司播種是月會州定西靜寧

莊浪等州地震命江浙行省左丞帖里帖木兒江南
行臺侍御史左答納失里招諭方國珍夏四月戊戌
朔命南北兵馬司各分官一員就領通州瀋州直沽
等處巡捕官兵往來巡邏給分司印一同署事半載
一更特命烏古孫良楨得用軍器庚子以禮部所轄
掌薪司并地土給付司農分司以甘肅行省平章政
事鎖南班爲永昌宣慰使總永昌軍馬仍給平章政
事俸先是永昌愚魯罷等爲亂鎖南班討平之至是
復起故有是命辛丑太白犯井宿乙巳時享太廟巳
酉詔取勘徐州汝寧南陽鄧州等處荒田并戶絕藉

没入官者立司牧署掌司農分司耕牛又立玉田屯
 署降徐州路為武安州以所轄縣屬歸德府其滕州
 嶧州仍屬益都路辛亥太陰犯房宿是月車駕時巡
 上都五月己巳命東安州武清大興宛平三縣正官
 添給河防職名從都水監官巡視渾河隄岸或有損
 壞即脩理之辛未江西行省左丞相亦憐真班江北
 行省左丞老老引兵取道自信州元帥韓邦彥哈迷
 取道由徽州浮梁同復饒州斬黃等賊聞風皆奔潰
 癸酉以太尉阿剌吉為嶺北行省左丞相知行樞密
 院事伯家奴封武國公與諸王孛羅帖木兒同出軍

甲戌行樞密院添設僉院二員乙亥太陰犯歲星乙
 未泰州白駒場亭民張士誠及其弟士德士信為亂
 陷泰州及興化縣遂陷高郵據之僭國號大周自稱
 誠王建元天祐六月丙申朔立詹事院設詹事三員
 同知二員副詹事二員丞二員命四川行省平章政
 事王樞虎兒吐華便軍行事丁酉立皇子愛猷識達
 達膺為皇太子中書令樞密使授以金寶告祭天地
 宗廟命右丞相脫脫兼詹事己亥詔征西都元都汪
 只南發本處精銳勇敢軍一千人從征討以千戶二
 員百戶一十員領之庚子知樞密院事失剌把都總

河南軍平章政事卷失八都魯總四川軍自襄陽分道而丁克復安陸府辛丑罷官傳府以所掌錢帛歸詹事院癸卯詔以勅牒二十道鈔五萬錠給付淮南行省平章政事達世帖睦爾於淮南淮北等處召募壯丁并總領漢軍蒙吉守禦淮安遼東撈羊哈及乾帖困木赤木等五十六名吾者野人以皮貨來降給撈羊哈等三人銀牌一面管領吾者野人甲辰以立皇太子詔天下大赦己酉亦都護高昌王月魯帖木兒薨于南陽軍中命其子桑哥龍亦都護高昌王爵辛亥親王完者去秦州陣亡八流亳州陣亡各賻鈔

五百錠命前河兩廉訪副使也先不花為淮西添設宣慰副使討秦州丙辰詔皇太子位下立儀衛司設指揮二員給二珠金牌副指揮二員一珠金牌賜吳王朔思監金一錠銀五錠鈔二千錠幣帛各九匹以資政院所轄左右都威衛屬詹事院是月命淮南行省平章政事福壽討興化是夏薊州大水秋七月丁卯泉州大雨白漆海潮日三至時享太廟戊辰太白晝見宣統至一命二品者依常例給俸祿壬申湖廣行省叅知政事阿魯輝復武昌及漢陽府癸酉詔詹事院

自二... 本院屬官壬辰親王... 兒哈忽... 忽... 海寧... 重... 以其子寶童... 繼襲王爵... 八月癸卯親王... 圖兒... 思... 兒... 馬... 辛亥賜... 脫... 脫... 東... 泥... 河... 曰... 十二... 頃... 親... 王... 只... 兒... 哈... 郎... 討... 捕... 金... 山... 賊... 薨... 于... 軍... 中... 命... 其... 子... 亮... 魯... 帖... 宋... 兒... 入... 備... 宿... 衛... 庚... 申... 命... 不... 花... 帖... 木... 兒... 襲... 封... 文... 濟... 王... 是... 可... 車... 駕... 還... 自... 上... 都... 資... 政... 院... 使... 脫... 火... 赤... 以... 兵... 復... 江... 州... 路... 以... 四... 川... 行... 省... 平... 章... 政... 事... 王... 樞... 虎... 兒... 吐... 華... 者... 承... 完... 者... 不... 沈... 守... 鎮... 中... 輿... 路... 左... 遷... 平... 章... 政... 事... 咬... 住... 為... 港... 西... 元... 帥... 供... 給... 烏... 撒... 軍... 進... 討... 斡... 黃... 九... 月... 乙... 丑... 朔... 日... 有... 食... 之... 乙... 亥... 以... 薛... 官... 廣... 平... 王... 咬... 咬... 征... 討... 慢... 功... 削... 其... 王... 爵... 降... 為... 河... 南...

行省平章政事己丑廣寧王渾都帖木兒薨賻鈔一
千錠建皇太子鹿頂殿于聖安殿西歪刺歹桑哥兒
里獻馬一百匹賜金繫腰一幣帛各九庚寅太陰犯
熒惑辛卯扎你別之地獻大撒哈刺察赤兒米西兒
刀弓鎖子甲及青白西馬各二匹賜鈔二萬錠壬辰
太日經天熒惑犯左執法南臺御史大夫納麟以老
疾辭職從之命太尉如故丁酉享于太廟庚子太白
經天冬十月癸卯以江浙行省叅知政事買住丁陞
本省右丞提調明年海運甲辰歲星犯氏宿丁未廣
西元帥甄崇福復道州誅賊將周伯顏庚戌從帖里

帖木兒左谷納失里之請。授方國珍徽州路治中國。璋廣德路治中國。瑛信州路治中國。督遣之任。國珍疑懼不受命。立水軍都萬戶府於崑山州。以浙東宣慰使納麟哈刺為正萬戶。宣慰使董搏霄為副萬戶。庚申。賜皇太子妃鈔十萬錠。壬戌。賜皇太子五愛馬。怯薛丹二百五十人。鈔各一百一十錠。癸亥。太白犯亢宿。是月。撒世祖所立壇殿。改建殿宇。十一月。壬申。太白陰犯壘壁陣。乙酉。立典藏庫貯皇太子錢帛。丁亥。江西右丞火你赤以兵平富州。臨江遂引兵復瑞州。是月。立義兵千戶水軍千戶所于江西。事平。願還為民。

考聽十二月。丁酉。太白犯東咸。己亥。寧王旭滅。咳還大幹耳朵思賜金繫腰一鈔一千錠。庚子。榮感入氏宿。癸卯。脫脫請以趙完普家產田地賜知樞密院事。桑哥失里。庚戌。京城天無雲而雷鳴。少頃有火。見于東南。懷慶路及河南府西北。有聲如擊鼓者。數四。已而雷聲震地。癸丑。以西安王阿剌忒納失里為豫王。弟答兒麻討南陽賊有功。以西安王印與之。命鎮龍吉兒之地。丁巳。太陰犯心宿。西寧王牙罕沙鎮四川。還沙州。賜鈔一千錠。是月。大同路疫死者六半。江浙行省平章政事上顏帖木兒。南臺御史中丞蠻子海。

奉及四川行省參知政事谷臨充左丞桑禿失里西
寧王牙罕沙合軍討徐壽輝於新水敗之壽輝遁走
獲其偽官四百餘人陝西行省平章政事李羅四川
行省右丞谷失八都魯復均兵等州詔李羅等守之
谷失八都魯討東正陽是歲自六月不雨至于八月
造清寧殿前山子月宮諸殿宇以宦官留守也先帖
木兒留守同知也速迭兒及都水少監璽阿木哥等
董其役哈麻及禿魯帖木兒等除進西天僧于帝行
房中運氣之術號演懣兒法又造西番僧善秘密法
帝皆習之

十四年春正月甲子朔汴梁城東汴河水皆成五色
花草如繪畫三日方絕乙丑熒惑犯歲星丁卯太白
犯建星辛未享于太廟壬申命帖木兒不花襲封廣
寧王賜鈔一千錠癸酉熒惑犯房宿立憲陽等處漕
運庸田使司屬分司農司丁丑帝謂脫脫曰朕嘗作
梁思哥兒好事迎白金蓋遊皇城實為天下生靈之
故今命剽掠選僧一百八人仍作梁思哥兒好事凡
所用物官自給之毋擾于民丙戌以谷兒麻監成選
授陝西行省平章政事實授行宣政院使蓋治西番
人民是月命桑哥失里哈臨禿守中興谷失八都魯

復安州二月戊戌祭社稷乙卯命中書平章政事
思監長調規運總管府戊午太白犯壘壁障己未以
湖廣行省平章政事苟兒為淮南行省平章政事以
兵攻高郵是月以呂思誠為湖廣行省左丞命湖廣
行省右丞伯顏普化江南行臺中丞蠻子海牙江浙
行省平章政事卜顏帖木兒為政事阿里溫沙舍
合湖廣行省平章政事也先帖木兒討沿江賊立鎮
江水軍萬戶府命江浙行省右丞佛家間領之詔河
南淮南兩省並立義兵萬戶府達清河大壽元忠國
寺以江浙廢寺四歸之三月癸亥朔日有食之己巳

廷試進士六十二人賜薛朝晤牛繼志進士及第餘
授官出身有差壬申以皇太子行幸和買駝馬甲戌
命親王速哥帖木兒以兵討宿州賊丙子穎州陷是
月中書定擬義兵立功者權任軍職事平授以民職
從之命四川行省右丞荅失八都魯陞本省平章政
事兼知行樞密院事總荆襄諸軍從宜調遣詔和買
馬于北邊以供軍用凡有馬之家十匹內和買二匹
每匹給鈔一十錠夏四月癸巳朔汾州介休縣地震
泉湧以武祺參議中書省事是月車駕時巡上都江
西湖廣大飢民疫癘者甚衆御史臺臣糾言江浙行

省左丞帖里帖木兒等罪。先是帖里帖木兒與江南行臺侍御史左谷納失里奉旨招諭方國珍。報國珍已降。乞立巡防千戶所。朝廷授以五品流官。令納其船。散遣徒衆。國珍不從。擁船一千三百餘艘。仍據海道。阻絕糧道。以故歸罪二人。以江浙行省參知政事阿兒溫沙陞本省右丞。浙東宣慰使恩寧普爲江浙行省參知政事。皆總兵討方國珍。發陝西軍討河南。賊給鈔令自備鞍馬軍器。令二萬五千人馬七千五百匹。永昌鞏昌沿邊人匠雜戶亦在遣中。造過街塔於盧溝橋。命有司給物色人匠。以御史大夫也先不

花智之。復立應昌全寧二路。先是詔罷之以撥屬魯王馬其達王傳府。至是有一司以爲不便。復之。詔復起永昌鞏昌喃巴臨洮等處。一平命各衛軍人脩白浮瓮山等處堤堰。五月甲子。安豐正陽軍圍廬州。是月詔脩砌北巡所經色澤嶺黑石頭河西沿山道路。初。建龍明等處石橋。皇太子從居宸德殿。命有司脩葺之。立南陽鄧州棗陽毛胡蘆義兵萬戶府。募土人爲軍。免其差役。令討賊。自効。因其鄉人自相團結。號毛胡蘆。故以爲之。詔以玉樞虎兒吐華募兵萬入下蜀。江代卷夫人。都魯守中興荆門。命谷失八都魯以兵

是歲寧陸湖廣行省參知政事阿兒灰為右丞討
州募軍夏善射者及各處回回亦忽殷富者赴京師
大軍復登亮小軍萬人命太傅阿刺吉領之命荆王
若兒麻失里代闊端阿合等河西討西番賊六月辛
卯朔薊州雨雹高郵張士誠寇揚州丙申遣賊帖睦
爾以兵討張士誠敗績諸軍皆潰詔江浙行省參知
政事佛家間會達識帖睦爾復進兵討之甲辰太陰
牙宿已酉盱眙縣陷庚戌臨泗州官軍潰敗七月
甲子洛州襄垣縣大風拔木堰水乙丑太陰犯角宿
丙寅詔免天都上都興和三路今年稅糧命刑部為

書阿魯於汝州等處募兵討泗州壬午太陰犯昴
宿是月汾州考美縣地震八月真寧路榆次縣桃李
花車駕還自上都九月己未親賜親王撒寶答失金
一錠銀二十錠鈔一萬錠幣帛表裏各三百匹創設
與刺赤二十名仍給衣糧草料庚申以湖廣行省左
丞呂思誠復為中書左丞辛酉以知樞密院事月赤
察兒為中書平章政事詔脫脫以太師中書右丞相
總制諸王各受馬諸省各置軍馬董督總兵領兵大
少官將出征高郵甲子封尚冕國王脫脫不花為瀋
王丁卯普顏忽都皇后母喪賜鈔三百錠立寧宗影

軍戎不克河南蒙右軍人雜泛差役是月賜穆清閣
工匠皮衣各一領蓋海青鷹房禁河南淮南酒階湖
西番賊起遣兵擊之亡國珍拘執元帥也武遂夫黃
巖州達魯花赤宋伯顏不花知州趙宜浩以俟詔命
冬十月甲午享于太廟戊戌詔答失八都魯及秦不
花等會軍討安豐甲辰詔加號海神為輔國護聖庇
民廣濟福惠明著天妃太子太陰祀太微垣十一月
丙寅勅中書省樞密院御史臺凡奏事先啓皇太子
詔江浙應有諸王公王后妃寺觀官員撥賜田糧及
江淮財賦稻田營田各提舉司糧盡數赴倉聽候海

運以備軍儲價錢依本處十月時付給之丁卯脫脫
領大兵至高郵辛未戰于高郵城外大敗賊衆丙子
太陰犯鬼宿癸未賜親王喃答失金鍍銀印乙酉脫
脫遣兵平六合縣是月答失八都魯復苗軍所據鄭
均許三州皇太子修佛事釋京師死罪以下囚十二
月辛卯終州北方有紅氣如火蔽天丙申以中書平
章政事定住為左丞相宣政院使哈麻永昌宣慰鎮
南班並為中書平章政事進階光祿大夫監察御史
參議因不花等劾奏脫脫出師三月略無寸功憤國
家之財以為己用半朝廷之官以為自隨又其弟也

先帖木兒庸材鄙器玷汙清臺綱紀之政不脩貪滯
之心益著章三上詔令也先帖木兒出都門聽旨以
宣徽使汪家奴為御史大夫丁酉詔以脫脫老師費
賄已逾三月坐視寇盜恬不為意削脫脫官爵安置
淮安路弟御史大夫也先帖木兒安置寧夏路以河
南行省平章政事秦不花為本省左丞相中書平章
政事月闕察兒加太尉集賢大學士雪雪知樞密院
事一同總兵總領諸處征進軍馬并在軍諸王駙馬
省院臺官及大小出軍官負其滅里卜亦失你山谷
八兒元哈快來等被都兒雲都赤秃兒怯里兀字可

西番軍人各愛

馬亦憐赤高麗回回民義丁壯等

大並聽總兵官

節制詔被災殘破之處令有司賑恤仍

蠲租稅三年賜

高年帛罷庸田茶運實泉等司戊戌

以定住領經筵

以院使桑哥失里為中書添設

右丞己亥太陰

宿戾子以桑哥失里同知經筵

畫冀國公秃魯

別進階金紫光祿大夫癸卯命

哈麻提調經正

監教水監會同館知經筵事就帶元

降虎符甲辰以

桑哥失里提調宣文閣哈麻兼大司

農三思誠兼司

農卿提調農務己酉紹興路地震是

月命織造世祖

御容詔威順王寬徹普化還鎮湖廣

先是以賊據湖廣命奪其王印至是寬徵普化計賊
累立功故詔還其印仍守舊鎮命甘肅右丞崑的討
捕西番賊谷失八部魯復河陰鞏絲徭賊自來陽寇
衛州萬戶許脫自死之是歲詔諭民間私租太重以
十分為率普減二分永為定例降鈔十萬錠賞江西
守城官吏軍民京師大饑加以疫癘民有父子相食
者帝於內苑造龍船委內官供奉少監塔思不花監
工帝自製其樣船首尾長一百二十尺廣二十尺前
瓦簾棚穿廊兩暖閣後吾殿樓子龍身并殿宇周立
彩金粧前有兩爪去用水手二十四人身衣紫袂合

荔枝帶四帶頭巾於船兩旁下各執篙一自後宮至
前宮山下海子內往來遊戲行時其龍首眼口爪尾
皆動又自製宮漏約高六七尺廣半之造木為匱陰
藏諸壺其中運水上下匱上設西方三聖殿匱腰立
玉女捧時刻籌時至輒浮水而上左右列二金甲神
人一懸鐘一懸鉦夜則神人自能按更而擊無分毫
差當鐘鉦之鳴獅鳳在側者皆翔舞匱之西東有日
月宮飛仙六人立宮前遇子午時飛仙自能耦進度
仙橋達三聖殿已而復退立如前其精巧絕出人謂
前代所鮮有時常怠於政事荒於游宴以宮女三聖

順治十六年刊

元史紀事本末

卷一百一十五

元史紀卷五十三
四
奴妙樂奴。文殊奴等一十六人按舞。名爲十六天魔。首垂髮數辨。戴象牙佛冠。身被纓絡大紅綃金長短裙。金雜襖。雲肩合袖。天衣綬帶鞋襪。各執加巴刺般之器。內一人執鈴杵奏樂。又官女一十一人。練槌髻勒帕常服。或用唐帽穿衫。所奏樂。用龍笛頭管小鼓。箏。箏琵琶。笙。胡琴。響板。拍板。以宦者長安迭不花管領。遇宮中讚佛。則按舞奏樂。宦官受秘密戒者得入。餘不得預。

元史知 卷四十三 終

紀卷第四十四

元史四十四

翰學聖矣。新謹備國史。臬廉翰待制。聖節知制誥。兼國史院編修。富王禕等奉
勅

順帝七

十五年春正月戊午朔。以中書平章政事。搠思監提調留守司宣徽使。黑廝爲中書平章政事。河南行省左丞許有壬爲集賢大學士。遼陽行省左丞奇伯顏。不花陞本省平章政事。壬戌。以宣政院副使忻都爲太子詹事。癸亥。享於太廟。甲子。親王禿堅帖木兒歿于軍中。賜鈔五百錠。江西行省平章政事道童加大

順治十六年刊

元史紀卷五十三

司徒戊辰太陰犯五車辛未太陰犯鬼宿大幹耳朶
儒學教授鄭咺建言蒙古乃國家本族宜教之以禮
而猶循本俗不行三年之喪又收繼庶母叔嬭兄嫂
恐貽笑後世必宜改革繩以禮法不報丙子上都飢
賑糶米二萬石丁丑徐壽輝僞將倪文俊復陷沔陽
府威順王寬徹普化令王子報恩奴等同湖南元帥
阿思藍水陸並進討之至漢川水淺文俊用火筏燒
船報恩奴遇害庚辰復設仁虞雲需尚供三總管府
丙戌大同路飢出糧一萬石減價糶之是月詔以湖
廣行省平章政事乞刺班慢功削其官爵令從軍自

劾詔安置脫脫于亦集乃路收所賜田土命河南行
省叅知政事洪丑驢守禦河南陝西行省叅知政事
述律朶兒只守禦潼關宗王扎牙失里守禦興化陝
西行省叅知政事阿魯溫沙守禦商州通政院使朶
來守禦山東詔豫王阿刺忒納失里與陝西行省平
章政事搠思監宜從商議軍事閏月壬寅以各衛軍
人屯田京畿人給鈔五錠以是日入役日支鈔二兩
五錢仍給牛種農器命司農司令本管萬戶督其勤
惰丙午太陰仍心宿丙辰太白經天是月上都路飢
詔嚴酒禁命河南行省叅知政事塔失帖木爾領元

管陝西軍馬守禦河南二月己未劉福通等自礪山
夾河迎韓林兒至立爲皇帝又號小明王建都亳州
國號宋改元龍鳳以其母楊氏爲皇太后杜遵道盛
文郁爲丞相羅文素劉福通爲平章劉六知樞密院
事折鹿邑縣太清宮材建宮闕遵道等各遣子入侍
遵道得寵專權劉福通疾之命甲士搗殺遵道福通
遂爲丞相後稱太保丙寅以中書平章政事黑廝左
丞許有壬並知經筵事戊辰命太傅御史大夫汪家
奴爲中書右丞相中書平章政事定住爲左丞相詔
天下庚午以河南行省平章政事咬咬爲遼陽行省

左丞相壬申立淮東等處宣慰使司都元帥府于天
長縣統濠泗義兵萬戶府并洪澤等處義兵聽富民
願出丁壯義兵五千名者爲萬戶五百名者爲千戶
一百名者爲百戶仍降宣勅牌面丙子以達識帖睦
爾爲中書平章政事提調留守司平章政事黑廝義
大司農是月命刑部尚書董鈗等與江西行省平章
政事火你赤專任征討之務便宜從事遣使先降曲
赦諭以禍福如能出降釋其本罪執迷不悛剋日進
討三月庚寅太陰犯五車癸巳徐壽輝兵陷襄陽路
甲午命汪家奴攝太尉持節授皇太子愛猷識理達

臘玉冊錫以冕服九旒絺裼太廟丙申太陰犯房宿
辛丑以監察御史言安置脫脫于雲南鎮西路也先
帖木兒于四川碉門脫脫長男哈刺章安置肅州次
男三寶奴安置蘭州仍藉其家產已酉命知樞密院
事衆家奴知經筵事知樞密院事捏兀失該提調內
史府癸丑太白經天夏四月壬戌中書省臣言江南
因盜賊阻隔所在關官宜遣人與各省及行臺官以
廣東廣西海北海南三品以下通行遷調五品以下
先行照會之任江浙行省三年一次遷調福建等處
關官亦依前例從之彰德等處分樞密院添設同

副使都事各一員癸亥以中書平章政事達識帖
睦通知經筵事命樞密院添設僉院一員判官二員
直沽分樞密院添設副使一員都事一員以御史中
丞扎撒兀孫同知經筵事乙丑以中書右丞威卜左
丞烏古孫良楨分省彰德辛未命御史中丞伯家奴
同知經筵事中書參議成遵兼經筵官癸酉以左丞
相定住爲右丞相平章政事哈麻爲左丞相太子詹
事桑哥失里爲中書平章政事雪雪爲御史大夫丁
丑加知樞密院事衆家奴太傅辛巳親王脫脫亮賜
鈔二百錠是月車駕時巡上都詔翰林侍制烏馬兒

宗賢待制孫為招安高郵張士誠仍賫宣命印信牌
面與鎮南王孛羅不花及淮南行省廉訪司等官商
議給付之御史臺劾奏中書左丞呂思誠罷之詔四
川等處立宣化鎮南軍民府改四川忠孝軍民府為
忠孝軍民安撫司罷盤順府改立盤順軍民安撫司
罷四川羊毋甲洞真南王洞長官司改立志義軍民
安撫司立汴梁等處義兵萬戶府五月壬辰復襄陽
路監察御史也里忽都等劾奏河南行省左丞相太
不花慢功虐民詔削其官職仍令率領火赤溫從總
兵官兀單政事答失八都魯在進答失八都魯管領

太不花一應軍馬庚戌倪文俊自沔陽
帥朵兒只班死之是月命淮南行省平章
淮東廉訪使王也先迭兒撫諭高郵六月
吏大夫雲雲提調端本堂癸亥太白經天
御史哈林禿劾奏脫脫之師集賢大學士
其參軍黑漢長史火里赤等並宜追奪從
之監察御史歪哥等辯明中書左丞呂思誠給付元
命王帶戊辰命平章政事搠思監兼大司農兼
哥失里知經筵事己巳靖安王闕不花薨
無後命其
子襲封靖安王癸酉以四川行省平章政事答失八

齊魯為河南行省平章政事乙亥命將作院判官烏
 馬兒招安濠泗等處章佩監丞普顏帖木兒提安沔
 陽等處諸王倒吾沒於軍中贖鈔二百錠丁丑保德
 州地震已卯陝西行省平章政事禿禿加答刺罕庚
 辰徵徽州隱士鄭玉為翰林待制不至江浙省臣言
 至正十五年稅課等鈔內除詔書已免稅糧等鈔較
 之年例海運糧并所支鈔不敷乞減海運以甦民力
 戶部定擬本年稅糧除免之外其寺觀并撥賜田糧
 十月開倉盡行拘收其不敷糧撥至元折中統鈔一
 百五十萬錠於產米處糶一百五十萬石貯瀕河之

倉以聽撥運從之癸未中書參知政事實理門言舊
 立蒙古國子監專教四怯薛并各愛馬官員子弟令
 宜諭之依先例入學俾嚴為訓誨從之是月
 大明皇帝起兵自和州渡江取太平路自紅巾妖寇
 倡亂之後南北郡縣多陷沒故
 大勇從而取之荊州大水命湖廣行省平章政事阿
 魯灰領軍與淮南行省平章政事蠻子海牙淮西道
 宣慰使完者不剌以兵攻和州等處命郡王只兒散
 伯湖廣行省右丞卜蘭奚攻討河南以湖廣行省平
 章政事咬住為總兵官領本省軍馬并江州揚完者

黃州李勝等軍守禦湖廣江浙行省參知政事納麟
哈刺統領水軍萬戶等軍會本省平章政事定定造
攻常州鎮江等處命將作院判官烏馬兒利用監丞
八十奴招諭濠泗淮南行省左丞相太平助之章佩
監丞普顏帖木兒翰林脩撰烈瞻招諭沔陽四川行
省平章政事王樞虎兒吐華等助之以怯薛丹潑皮
等六十名從江南行御史臺大夫福壽守禦集慶路
國王朶兒只薨于揚州軍中命郡王只兒敢伯管領
其所部軍馬秋七月辛卯享于太廟壬寅倪文俊復
陷武昌漢陽等路是月命親王失里門以兵守曹州

山東宣慰高崇火者以兵分府沂州莒州等處命知
樞密院事朶兒麻監前及四川行省左丞沙刺班湖
南同知宣慰使劉答兒麻失里以兵屯中興招諭諸
處有不降者與親王秃魯及王樞虎兒吐華討之命
湖廣行省平章政事秦哥亦秃澤及秃魯守禦襄陽
參知政事哈林秃及土塔失帖木兒守禦沔陽如賊
徒不降即進兵討之陞台州海道巡防千戶所為海
道防禦軍裝萬戶府戶府戶府戶府戶府戶府戶府
戶府戶府戶府戶府戶府戶府戶府戶府戶府戶府
平章政事達識帖睦爾為江浙行省左丞相便宜行

事賜鈔二千錠甲戌以
失為甘肅行省平章政
伐等降令其子莽三以
四川向思勝降以安定
月車駕還自上都詔准
諸軍討所陷郡邑仍命
以所部苗軍聽其節制
軍萬戶府于哈兒分之
昌宣慰使完者帖木兒
政事蠻子海牙與同

大宗正府扎魯忽赤迭里迷
至戊寅太白經天雲南死可
小物來貢乃立平緬宣撫司
州改立安定軍民安撫司是
南行省左丞相太平統淮南
湖廣行省平章政事阿魯灰
立吾者野人乞列迷等處諸
地命親王寬徹班守興元永
討西番賊以淮南行省平章
樞密院事解住馬等自蕪湖

至鎮 同岸守軍同阿

魯灰所部軍馬協力衛護江

南行 命答生 八都魯

從便調度湖廣行省左丞卜

蘭奚所領苗軍江浙行

省平章政事卜顏帖木兒守

禦斬黃蘭溪寺處九月

癸未命搠思監提調武衛以

知嶺北行樞密院事紐

的該為中書平章政事乙酉

立分海道防禦運糧萬

戶府于平江路己丑太白犯

太微垣辛卯命秘書卿

合蘭提調別吉太后影堂祭

祀知樞密院事野仙帖

木兒提調世祖影堂祭祀宣

政院使蠻子提調裕宗

英宗影堂祭祀己亥復

圖岳州路士子命桑哥

失里提調宣文閣呂思

經筵事兼賢大學士許有壬兼太子諭德是月移宣
 院既于阿輕乞之地命各失八都魯移軍住庫留冬
 十月丁巳立淮南行樞密院于揚州己未太陰犯壘
 壁障甲子命兵工二部尚書撒八兒王安童以金銀
 牌二百六十五面給淮東宣慰使司等處義兵官負
 命哈麻領大司農司帝謂右丞相定住等曰敬天地
 尊祖宗重事也近年以來關於舉行當選吉日朕將
 親祀郊廟務盡誠敬不忽繁文卿等其議典禮從其
 簡者行之遂命右丞幹崇立丞呂思誠領其事以中
 書省丞拜仁勗平章政事

堅同知太常禮儀院事以克堅子希與丁為龍襲封衍取
 公癸酉太陰犯軒轅哈麻奏言郊祀之禮以太祖
 皇帝出宮至郊祀所便服乘馬不設內外儀仗教坊
 隊子齋戒七日內散齋四日於別殿致齋三日二日
 於大明殿西愷殿一日在南郊祀所丙子以郊祀所
 皇太子愛猷識理達臘祭告太廟己卯以翰崇學士
 承旨慶童為淮南行省平章政事立昔河水軍萬戶
 府于小清口十一月甲申焚惑祀氏宮庚寅焚屋祀
 并宿壬辰親祀上帝于南郊以皇太子愛猷識理達
 臘為亞魯攝太尉右丞相定住為終獻甲午以太

花為湖廣行省左丞相總兵招捕湖廣沔陽等處酒
廣荆襄諸軍悉聽節制給還元道奪河南行省丞相
宣命仍給以功賞宣勅金銀牌面茂茂介休縣姚杏
花己亥太陰犯鬼宿戊申右丞相定住以病辭職
以太保就第治病庚戌賊陷饒州路辛亥賜高麗國
王伯顏帖木兒為親仁輔義宣忠奉國彰惠靖遠
臣是月答失八都魯攻來河賊大破之賊陷懷慶今
河南行省右丞不花討之以湖廣歸州改隸四川行
省十二月壬子朔熒惑犯房宿給湖廣行省分省印
丁巳命中書參知政事月倫失不花陳敬伯分省彰

德癸亥立忠我忠勤萬戶府于宿州武安州己巳以
諸郡軍儲供餉繁浩命戶部印造明年鈔本六百萬
錠給之壬申以平章政事帖里帖木兒右丞幹藥並
知經筵事參議丁好禮兼經筵官乙亥以天下兵起
下詔罪己大赦天下是月答失八都魯大敗劉福通
于大康遂圍亳州偽宋主遁于安豐立興元等處
宣慰使司都元帥府于興元路是歲薊州雨血詔凡
有水田之處設大兵農司招集人夫有警乘機進討
無事栽植播種詔濬大內河道以實官同知留守益
元帖木兒董其役楚先帖木兒言自十一年以來天

下多事不宜興作帝怒命往使高麗改命宦官答失
蠻董之以中書平章政事拜任分省濟寧設四部是
歲察罕帖木兒與賊戰于河南北屢有功除中書刑
部侍郎

十六年春正月壬午改福建宣慰使司都元帥府為
福建行中書省戊子親享太廟命中書平章政事帖
里帖木兒提調國子監己丑太陰犯昴宿丁酉太保
定住以病辭職太尉大宗正府扎魯忽赤月闕察兒
以出軍中傷辭職皆不允乙亥詔命太尉阿吉刺開
府設官屬乙巳以遼陽行省左丞相咬咬為太子詹

事翰林學士承旨朶列帖木兒同知詹事丙子
以知樞密院事實理門兼大府監卿戊申雲南土官
阿蓋降遣姪聰幹以方物來貢庚戌左丞相哈麻罷
辛亥御史大夫雪雪亦罷以搠思監為御史大夫復
以定住為右丞相是月薊州地震倪文俊遣為都于
漢陽迎徐壽輝據之二月癸酉禿魯帖木兒辭職不
允搠思監紿言哈麻及其弟雪雪等罪惡帝曰哈麻
兄弟雖有罪然侍朕日久與朕弟懿璘質班皇帝書
同乳且緩其罰令之出征自效甲寅命右丞相定住
依前太保中書一切機務悉聽總裁詔天下內外

鎮南王守羅不花自兵興以來率佐薛丹討賊...
戰功賜鈔一萬錠定位及平章政事桑哥失里等...
奏舍麻兄弟罪惡遂命貶哈麻惠州安置...
安置尋杖殺之壬戌詹事伯撒里辭職...
取賣銅錢丙寅命翰林國史院太常禮...
儀院定擬皇...
后奇氏三代功臣謚號王賈甲戌命六...
部六司農司...
集賢翰林國史兩院太常禮儀院秘書...
崇文國子監...
水監侍儀司等正官各舉才堪守令者...
一人不拘崇...
古色目漢南人從中書省斟酌用之或...
任內害民...
執者舉官量事輕重降職命蠻蠻為靖...
安二賜金

置王傅等官己卯命集賢直學士楊俊民致祭曲阜...
孔子廟仍葺其廟宇詔諭山東鹽法軍民毋得沮壞...
賜定位薦憐赤怯薛丹三十名給衣糧馬疋草料...
月高郵張士誠陷平江路據之改平江路為隆平府...
遂陷湖州松江常州三月辛巳復立酒課提舉司合...
中書平章政事帖里帖木兒參知政事...
成導等議...
法壬午徐壽輝復寇襄陽癸未臺臣言...
係官牧馬...
地俱為權豪所占今後除規運總管府...
見種外...
不勸令大司農召募耕墾歲收租課以...
資國用...
丁亥以今秋出師詔和買馬六萬疋戊...
子命宣...
元

賜金一錠銀五錠幣帛九疋鈔二千錠
大明兵平集慶路江南行臺御史大夫
申倪文俊陪常德路總兵官俺都刺遁
調承徽寺丁酉立行樞密院于杭州命
相達識帖睦爾兼知行樞密院事節制諸軍省院
等官並聽調遣凡賞功罰罪招降討逆許以便宣行

大明兵取鎮江路六月申方國璋復降以爲海道運糧
萬戶兼防禦海道運糧萬戶其兄方國璋爲衢

州路總管兼防禦海道事是月有兩日相盪夏四月
辛亥以搠思監爲中書左丞相丙辰以資正院使普
化爲御史大夫丁巳命左丞相搠思監領經筵事中
書平章政事悟良哈台御史大夫普化並知經筵事
庚申以河南行省左丞卜蘭奚爲湖廣行省平章政
事答失八都魯加金紫光祿大夫丙寅命阿因班太
子與陝西行省官同討均房南陽遼陽行省平章政
事奇伯顏不花加大司徒丁卯以陝西行臺御史大
夫朶朶爲陝西行省左丞相大司徒農咬咬爲遼陽行
省左丞相以知樞密院事實理門分院濟寧翰林學

士承旨脫脫同知詹事院事壬申命豫王阿剌忒納
失里與陝西行省官商議軍機從宜攻討己卯命悟
良哈台兼太子諭德是月車駕時巡上都五月壬辰
太白犯鬼宿癸巳亦如之甲午太陰入斗宿丙申倪
文俊陷澧州路丁酉太陰犯壘壁陣乙巳賊寇辰州
守將和尚以鄉兵擊敗之六月甲寅江浙行省平章
政事三旦八參知政事楊完者以兵守嘉興路禦張
士誠乙丑

大明兵取廣德路秋七月癸未以翰林學士禿魯帖
木兒爲侍御史丁酉太陰犯壘壁陣是月張士誠遣

兵陷杭州江浙行省平章政事左答納失里戰死丞
相達識帖睦迺楊完者及萬戶普賢奴擊敗之復
其城八月丙辰奉元路判官王淵等以義兵復商州
陞淵同知關商襄鄧等處宣慰司事己未賊侵河南
府路知知政事洪丑驢以兵敗之丁卯太陰犯昴宿
庚午倪文俊陷衡州路元帥甄崇福戰死甲戌彗星
見張宿色青白彗指西南長尺餘至十二月戊午始
滅是月車駕還上都黃河決山東大水九月庚辰
汝穎賊李武崔德等破潼關參知政事述律杰戰死
壬午豫王阿剌忒納失里同知樞密院事定住引兵

復潼關河南行省平章政事伯家奴以兵守之丙申
潼關復陷伯家奴兵潰豫王阿剌忒納失里復兵兵
取之李武崔德敗走戊戌賊陷陝州及虢州詔以太
尉納麟復爲江南行臺御史大夫遷行臺治紹興是
月察罕帖木兒復陝州及虢州復襲敗賊兵于平陸
安邑以功由兵部尚書陞僉河北行樞密院事冬十
月丁未大名路有星如火從東南流芒尾如曳篲障
地有聲火燄蓬勃久之乃息化爲石青黑色光瑩形
如狗頭其斷處如新割者命藏于庫壬辰太陰犯井
宿是月詔罷太尉也先帖木兒十一月丙戌以老的

沙答里麻失並爲詹事丁亥流星大如酒杯色青白
尾跡約長五尺餘光明燭地起自東北東南行沒於
近濁有聲如雷壬辰太陰犯井宿是月河南陷河南
廉訪副使俺普通置河南廉訪司于沂州又於沂州
設分樞密院以兵馬指揮使司隸之十二月倪文俊
陷岳州路殺威順王子及帖木兒湖廣參知政事也
先帖木兒與左江義兵萬戶鄧祖勝合兵復衡州是
歲詔沿海州縣爲賊所殘掠者免田租三年賜高年
帛河南行省左丞相太不花駐軍于南陽嵩汝等州
叛民皆降軍勢大振陝西行臺監察御史李尚綱上

關中形勝急論凡十有二事。命大司農司屯種雄霸二州以給京師。

元史紀卷四十四

終

順治己亥年二月初六日

江寧府儒學教授朱謨校

紀卷第四十五

元史四十五

翰林學士 帝大夫知制誥兼修國史 臣 宋濂翰林待制承直郎知制誥兼國史院編修官 臣 王禕等奉勅

順帝八

十七年春正月丙子朔日有食之以伯顏禿古思爲大司徒辛卯命山東分省團結義兵每州添設判官一員每縣添設主簿一員專率義兵以事守禦仍命各路達魯花赤提調聽宣慰使司節制丙申監察御史哈刺章言淮東道廉訪使楮不華徇忠盡節宜加褒贈優恤其家從之二月壬子賊犯七盤藍田命察

罕帖木兒以軍會答兒麻亦兒守陝州潼關哈刺不
花由潼關抵陝西會豫王阿刺忒納失里及定住等
同進討癸丑太陰犯五車以征河南許亳太康嵩汝
大捷詔赦天下戊辰知樞密院事脫脫復邳州調客
省使撒兒答溫等攻黃河南岸賊大破之壬申劉福
通遣其黨毛貴陷膠州僉樞密院事脫歡死之甲戌
倪文俊陷峽州是月李武崔德陷商州察罕帖木兒
與李思齊以兵自陝號援陝西以察罕帖木兒為陝
西行省左丞李思齊為四川行省左丞詔以高寶為
四川行省叅知政事將兵取中興不克賊遂破轆轤

關三月乙亥義兵萬戶賽甫丁阿迷里丁叛據泉州
庚辰毛貴陷萊州守臣山東宣慰副使釋嘉訥死之
壬午

大明兵取常州路甲申太陰犯鬼宿壬辰歲星犯壘
壁陣甲午毛貴陷益都路益王買奴遁自是山東郡
邑皆陷乙未以江淮行樞密院副使董搏霄為山東
宣慰使丁酉毛貴陷濱州戊戌以中書平章政事帖
里帖木兒為御史大夫悟良哈台幹樂並為中書平
章政事夏四月丙午監察御史五十九言今京師周
圍雖設二十四營軍卒疲弱素不訓練誠為虛設儻

有不測。誠可寒心。宜速選擇驍勇精銳衛護大駕。鎮守京師。實當今奠安根本。固堅人心之急務。况武備莫重於兵。而養兵莫先於食。今朝廷撥降鈔錠措置農具。命總兵官於河南克復州郡。且耕且戰。甚合寓兵於農之意。為今之計。權命總兵官從宜於軍官內。選委能撫字軍民者。兼路府州縣之職務。要農事有成。軍民得所。則擾民之害亦除。而匱乏之憂亦釋矣。帝嘉納之。乙卯。毛貴陷莒州。丙辰。京師立便民六庫。倒易昏鈔。辛酉。以咬咬為甘肅行省左丞相。答失八都魯加太尉。四川行省左丞相漢中道廉訪司糾陝西行省左丞相蕭家奴。遇賊逃竄。失陷所守郡邑。詔正其罪。是月。車駕時巡。上郢封江西行省平章政事。火你赤為營國公。

大明兵取寧國路。五月乙亥。命知樞密院事。李蘭。進兵討山東。戊寅。平章政事亦老溫帖木兒復武安州等三十餘城。丙申。命朔思監為右丞相。太平為左丞相。詔天下免民今年歲稅糧之半。詔以永昌宣慰司。為中書分省。右丞相濟寧丙辰。監察御史脫脫穆而。言去歲河南之賊。寇何河北。惟河南與山東互相策應。為害尤大。為今

之計中言當遴選能將就木八花谷失八都魯阿魯
三度軍馬內擇其精銳以守河北進可以制河南之
侵退可以攻山東之寇庶義無虛從之己未以帖里
帖木兒老的沙並為御史大夫庚申
大明兵取江陰州壬申帖里帖木兒糾陝西知行樞
密院事也先帖木兒遂命罷陝西行樞密院令也先
帖木兒居于草地癸酉温州路樂清江中龍起颶風
作有火光如毬是月劉福通犯汴梁其軍分三道關
先生破頭潘馮長舅沙劉二王士誠寇晉冀白不信
大刀教李喜喜趨閔中毛貴據山東其勢大振秋七

月己卯帖里帖木兒奏續集風憲宏綱庚辰
大明兵取徽州路癸未太白犯鬼宿甲申太陰犯斗
宿乙酉命右丞相搠思監領宣政院事平章政事臧
卜知經筵事參知政事李稷同知經筵事參知政事
完者帖木兒兼太府卿丁亥填星犯鬼宿戊子以李
稷為御史中丞中書省臣言山東般陽益都相次而
陷濟南日危宜選將練卒信賞必罰為保燕趙計以
衛京師不報己丑鎮守黃河義兵萬戶田豐叛陷濟
軍路分省右丞實理門遁義兵萬戶孟本周攻之田
豐敗走本周還守濟寧甲午以御史中丞完者帖木

兒爲中書右丞河南廉訪使俺普爲中書參知政事
監察御史迭里弥實劉傑言疆域日蹙兵律不嚴陝
西汴梁淮潁山東之寇有窺伺燕趙之志宜俯詢大
臣共圖克復之宜預定守禦之策不報是月立四方
獻言詳定使司秩正三品歸德府知府林茂萬戶時
公權叛以城降于賊歸德府及曹州皆陷八月癸卯
填星犯鬼宿太白犯軒轅癸丑劉福通兵陷大名路
遂自曹濮陷衛輝路谷失八都魯之子孛羅帖木兒
與萬戶方脫脫擊之甲子太陰犯五車乙丑以陝西
行臺御史中丞伯嘉訥爲陝西行省平章政事淮南

行省參知政事余闕爲淮南行省左丞江浙行省參
知政事楊完者陞左丞方國珍爲江浙行省參知政
事海道運糧萬戶如故丙寅慶陽府鎮原州大雹是
月大駕還自上都薊州太水詔知樞密院事紐的該
進討山東

大明兵取揚州路平江路張士誠俾前江南行臺御
史中丞蠻子海牙爲書請降江浙左丞相達識帖睦
邇承制令參知政事周伯琦等至平江撫諭之詔以
士誠爲太尉士德爲淮南行省平章政事時士德已
爲

大明兵所擒。九月丙子命同知樞密院事壽童以兵討冠州以老的沙爲中書省平章政事兼兀良海牙指揮使甲午澤州陵川縣陷縣尹張輔死之。戊戌太不花復大名路并所屬郡縣辛丑詔中書右丞也先不花御史中丞成遵奉使宣撫彰德大名廣平東昌東平曹濮等處獎勵將帥。是月命紐的該加太尉總諸軍守禦東昌時田豐據濟濮率衆來寇擊走之倪文俊謀殺其主徐壽輝不果。自漢陽奔黃州。壽輝僞將陳友諒襲殺之。友諒遂自稱平章。閏九月癸卯有飛星如盂青色光燭地尾約長尺餘起自王良沒於

勾陳監察御史朵兒只等劾奏知樞密院使哈刺八禿兒失陷所守郡縣詔正其罪丙午太陰犯斗宿右丞相搠思監左丞相太平並加開府儀同三司平章政事完者不花兼大司農庚申太陰犯井宿乙丑潞州陷丙寅賊攻冀寧察罕帖木兒以兵擊走之冬十月乙亥熒惑犯氐宿戊寅設分詹事院甲申太陰掩昴宿戊戌曹州賊入太行山是月白不信大刀教李喜喜陷興元遂入鳳翔察罕帖木兒李思齊屢擊破之其黨走入蜀答失八都魯與知樞密院事答里麻失里以軍討曹州賊官軍敗潰答里麻失里死之靜

江路山崩地陷大水十一月辛丑山東道宣慰使董搏霄建言請令江淮等處各枝官軍分布連珠營寨於隘口屯駐守禦宜廣屯田以足軍食從之汾州桃花杏花壬寅賊侵壺關察罕帖木兒大破之戊午以河南行省平章政事答蘭為中書平章政事御史中丞李獻為中書左丞陝西行臺中丞卜顏帖木兒樞密院副使哈剌那海司農少卿崔敬侍御史陳敬伯皆為叅知政事癸亥豫王阿剌忒納失里與陝西行省左丞相朶朶陝西行臺御史中丞伯嘉訥分道攻討關陝巳巳以中書叅知政事八都麻失里為右丞十

二月庚午熒惑犯天江辛未山東道廉訪使伯顏不花建言嚴保伍集勇健汰冗官戊寅太白犯歲星甲申太陰犯鬼宿丁亥歲星犯壘壁陣庚寅太白犯壘壁陣癸巳太陰犯心宿丁酉慶元路象山縣鵝鼻山崩巳亥流星如金星大尾約長三尺餘起自太陰近東而沒化為青白氣庚子答失八都魯卒于軍中是歲詔天下團結義兵路府州縣正官俱兼防禦事詔淮南行知樞密院事脫脫領兵討淮南詔諭濟寧李秉彝田豐等令其出降叙復元任嘯亂士卒仍給資糧欲還鄉者聽倪文俊陷川蜀諸郡命偽元帥明玉

珍守據之趙君用及彭大之子早住同據淮安趙僭
稱永義王彭僭稱魯淮王義兵千戶余寶殺其知樞
密院事實童以叛降于毛貴余寶遂據棣州河南大
饑

十八年春正月辛丑填星犯鬼宿乙巳察罕帖木兒
李思齊合兵于鳳翔丙午太陰犯昴宿陳友諒陷安
慶路守將余闕死之庚戌
大明兵取婺源州甲子以不蘭奚知樞密院事乙丑
大風起自西北益都土門萬歲碑仆而碎丙寅田豐
陷東平路丁卯不蘭奚與毛貴戰于好石橋敗績走

濟南是月詔答失八都魯子孛羅帖木兒為河南行
省平章政事總領其父元管軍馬詔察罕帖木兒屯
陝西李思齊屯鳳翔二月己巳朔議團結西山寨大
小十一處以為保障命中書右丞塔失帖木兒左丞
烏古孫良楨等總行提調設萬夫長千夫長百夫長
編立牌甲分守要害互相策應毛貴陷清滄州遂據
長蘆鎮中書省臣奏以陝西軍旅事劇務殷去京師
道遠供費艱難請就陝西印造寶鈔為便遂分戶部
寶鈔庫等官置局印造仍命諸路撥降鈔本界平準
行用庫倒易昏弊布于民間癸酉毛貴陷濟南路守

將愛的戰死毛貴立賓興院選用故官以姬宗周等分守諸路又於萊州立三百六十屯田每屯相去三十里造大車百輛以挽運糧儲官民田十止收二分冬則陸運夏則水運乙亥填星犯鬼宿辛巳詔以太不花為中書右丞相總兵山東壬午田豐復陷濟寧路甲申輝州陷丙戌紐的該聞田豐逼近東昌棄城走丁亥察罕帖木兒調兵復涇州平涼保鞏昌戊子田豐陷東昌路庚寅王士誠自益都犯懷慶路周全擊敗之辛卯以安童為中書參知政事丁酉興元路陷三月己亥朔日色如血加右丞相搠思監太保庚

子毛貴陷般陽路辛未大同路夜黑氣蔽西方有聲如雷少頃東北方有雲如火交射中天。遍地俱見火空中有兵戈之聲。癸卯王士誠陷晉寧路總管杜賽因不花死之甲辰察罕帖木兒遣賽因赤等復晉寧路己酉劉福通遣兵犯衛輝李羅帖木兒擊走之庚戌毛貴陷薊州詔徵四方兵入衛乙卯毛貴犯瀋州至棗林樞密副使達國珍戰死遂略柳林同知樞密院事劉哈刺不花以兵擊敗之貴走據濟南丙辰大明兵取建德路。以周全為湖廣行省參知政事統與魯等軍移鎮嵩州白龍寨冀寧路陷丁巳田豐陷

益都路。辛酉大同諸縣陷。察罕帖木兒遣關保等往擊之。是時賊分二道犯晉冀。一出沁州一侵絳州。乙丑以老章爲太子少保。夏四月甲申陳友諒陷龍興路。省臣道童火你赤棄城遁。壬午田豐陷廣平路。大掠退保東昌。詔令元帥方脫脫以兵復廣平。癸未以諸處捷音屢至。詔頒軍民事宜十一條。庚寅以翰林學士承旨蠻子爲嶺北行省平章政事。辛卯太白犯鬼宿。甲午陳友諒遣王奉國陷瑞州路。是月車駕時巡上都。察罕帖木兒李思齊會宣慰張良弼郎中郭擇善宣慰同知拜帖木兒平章政事。定住總帥汪長

生奴各以所部兵討李喜喜于鞏昌。李喜喜敗入蜀。察罕帖木兒駐清湫。李思齊駐斜坡。張良弼駐秦州。郭擇善駐崇信。拜帖木兒等駐通渭。定住駐臨洮。各自除路府州縣官徵納軍需。李思齊張良弼又同襲殺拜帖木兒。分總其兵。五月戊戌朔。察罕帖木兒遣董克昌等以兵復冀寧。以方國珍爲江浙行省左丞。兼海道運糧萬戶。詔察罕帖木兒還兵鎮冀寧。李思齊殺同僉樞密院事郭擇善。庚子賊兵踰太行。察罕帖木兒部將關保擊敗之。以察罕帖木兒爲陝西行省右丞兼陝西行臺侍御史。同知河南行樞密院事。

劉福通攻汴梁壬寅太白犯填星汴梁守將竹貞棄城遁福通等遂入城乃自安豐迎其僞主居之以爲都陳友諒遣康泰趙琮鄧克明等以兵寇邵武路甲辰命太尉阿吉刺爲甘肅行省左丞相乙巳關保與賊戰于高平大敗之庚戌陳友諒陷吉安路壬子太陰犯斗宿癸丑監察御史七十等糾劾太保中書右丞相太不花乙卯詔削太不花官爵安置蓋州時太不花總兵山東以知行樞密院悟良哈台代之命悟良哈台節制河北諸軍河南行省平章政事周全節制河南諸軍辛酉陳友諒兵陷撫州路甲子監察御史七

十燕赤不花等劾中書參知政事燕只不花是月遼州蝗山東地震天雨白毛察罕帖木兒自以劉尚質爲興寧路總管六月戊辰朔大不花伏誅察罕帖木兒調虎林赤闕保同守潞州拜察罕帖木兒陝西行省平章政事便宜行事庚辰關先生破頭潘等陷遼州虎林赤以兵擊走之關先生等遂陷興寧路乙酉命左丞相太平督諸軍守禦京城便宜行事是月汾州大疫秋七月丁酉朔周全據懷慶路以叛附于劉福通時察罕帖木兒駐軍洛陽遣伯帖木兒以兵守盩厔城周全來戰伯帖木兒爲其所殺周全遂盡驅

懷慶民渡河入汴梁。丁未太陰犯斗宿不蘭奚以兵復般陽路。已而復陷。戊申太白晝見。癸丑有賊兵犯京城。刑部郎中不花守西門。夜開門擊退之。已未劉福通遣周全引兵攻洛陽。守將登城以大義責全。全愧謝退兵。劉福通殺之。丙寅以完卜花脫脫帖木兒爲中書平章政事。是月京師大水。蝗民大飢。八月丁卯朔江浙行省平章政事三旦入遁于福建。先是三旦入討饒州貪財玩寇。久而無功。遂安稱遷職福建行省。至福建爲廉訪僉事。般若帖木兒所劾。拘之興化路。壬申太陰掩心宿。庚辰陳友諒兵陷建昌路。辛

巳義兵萬戶王信以滕州叛。降於毛貴。甲申太陰掩心宿。庚寅以老的沙爲御史大夫。詔作新風紀。九月丁酉朔詔授昔班帖木兒同知河東宣慰司事。其妻刺八哈敦雲中郡夫人。子觀音奴。贈同知大同路事。仍旌表其門閭。先是昔班帖木兒爲趙王位下同知怯憐口總管府事。其妻嘗保育趙王。及是部落滅。三叛欲殺王。昔班帖木兒與妻謀以其子觀音奴服王平日衣冠居王宮。夜半夫妻衛趙王。微服遁去。比賊至遂殺觀音奴。趙王得免。事聞故旌其忠焉。褒封唐贈諫議大夫劉晉爲文節。昌平侯閔先生攻保定路。

不克遂陷完州掠大同興和塞外諸郡中書左丞張
一鞏昌等處從之壬寅詔命中書參知政事普顏不
札治言侍御史李國鳳經畧江南癸卯詔以福建行
平章政事慶童為江南行臺御史大夫丙午賊
兵攻大同路壬戌平定州陷乙丑陳友諒陷贛州路
江西行省參知政事全普庵徽里及總管哈海赤死
之冬十月丙寅朔詔誅王阿剌忒的失里徙居白海
尋遷六盤壬申

大明六取蘭溪州己卯太陰犯昴宿壬午監察御史

燕赤不花劾右丞相搠思監罪狀詔收其印綬乙酉
監察御史谷兒麻失里王彝等復劾之請正其罪帝
不聽壬辰大同路陷達魯花赤完者帖木兒棄城遁
十一月乙未朔以普化帖木兒為福建行省平章政
事癸卯陳友諒陷汀州路丙寅太陰犯昴宿太白犯
房宿丁未田豐陷順德路先是樞密院判官劉起祖
守順德糧絕刦民財掠牛馬民強壯者令充軍弱者
殺而食之至是城陷起祖遂盡驅其民走于廣平辛
酉太陰掩心宿十二月乙丑朔日有食之癸酉關先
生破頭潘等陷上都焚官闕留七日轉略往遼陽遂

至高麗。戊寅太白經天庚辰察罕帖木兒遣樞密院判官瑣住進兵于遼陽癸未太白經天甲申西關去大明兵取婺州路達魯花赤僧住浙東廉訪使楊惠死之戊子太陰犯房宿十無月歲去今武軍陳春十九年春正月甲午朔陳友諒兵陷信州路守臣江東廉訪副使伯顏不花的斤力戰死之庚寅太白經大明兵取諸暨州辛丑太陰犯昴宿乙巳以朶兒只班爲中書平章政事丙午遼陽行省陷懿州路總管呂震死之贈震河南行省左丞追封東平郡公察罕帖木兒遣樞密院判官陳秉直八不沙將兵二萬守

興寧癸丑流星如酒盃大有聲如雷三月辛巳樞密副使朶兒只以賊犯順寧命張立將精銳由紫荆關出討命鴉鵲由北出迎敵甲申叛將梁炳攻辰州守將和尚擊敗之以和尚爲湖廣行省參知政事賊由飛湖靈丘犯蔚州庚寅御史臺臣言先是召募義兵費用銀鈔一百四十萬錠多近侍權倖冒名關支率爲虛數乞令軍士凡已領官錢者立限出征詔從之已而復止不行是月詔孛羅帖木兒移兵鎮大同以爲京師捍蔽置大都督兵農司仍置分司十道專督屯糧以孛羅帖木兒領之所在侵奪民田不勝其

擾太不花潰散之兵數萬鈔掠山西察罕帖木兒遣陳秉直分兵駐榆次招撫之其首領悉送河南屯種三月癸巳朔陳友諒遣兵由信州略衢州復遣兵陷襄陽路辛丑京城北兵馬司指揮周哈刺及與林智和等謀叛事覺伏誅庚戌太陰犯房宿壬戌詔定科舉流寓人名額蒙古色目南人各十五名漢人二十名夏四月癸亥朔汾水暴漲賊陷金復等州司徒知樞密院事佛家奴調兵平之甲子毛貴爲趙君用所殺帝以天下多故卻天壽節朝賀詔群臣曰朕方今宜敬天地法祖宗以自脩省朕初度之日群臣毋賀

庚午左丞相太平暨文武百官奏曰天壽節朝賀乃臣子報本實合禮典今謙讓不受固陛下盛德然今軍旅征進君臣名分正宜舉行不允壬申皇太子復率群臣上奏曰朝賀祝壽是祖宗以來舊行典故今不行有乖於禮帝曰今盜賊未息萬姓荼毒正朕恐懼修省敬天之時柰何受賀以自樂乙亥御史大夫帖里帖木兒復奏曰天壽朝賀之禮蓋出臣子之誠伏望陛下曲徇所請若朝賀之後內庭燕集特賜除免亦古者人君減膳之意仍乞宣示中書使內外知悉天子憂勤惕厲至於如此帝曰爲朕缺於修省以

致萬姓塗炭今復朝賀燕集是重朕之不德當俟天
 下安寧行之未晚卿等其毋復言卒不聽己丑賊陷
 寧夏路遂畧靈武等處五月壬辰朔以陝西行臺御
 史大夫完者帖木兒為陝西行省左丞相便宜行事
 丙申受惑犯鬼宿丁酉皇太子奏請巡北邊以撫綏
 軍民御史臺臣上疏回留詔從之壬寅察罕帖木兒
 請今歲八月鄉試河南舉人及避兵儒士不拘籍貫
 依河南省元定額數就陝州置貢院應試詔從之丙
 午太陰犯天江丁未太陰犯斗宿是月察罕帖木兒
 大發秦晉諸軍討汴梁圍其城山東河東河南關

等處蝗飛蔽天人馬不能行所落溝塹盡平民大饑
 六月辛巳詔以宣徽使燕古兒為御史大夫秋七月
 壬辰朔出搠思監為遼陽行省左丞相便宜行事丁
 酉太白犯上將庚子詔以察罕腦兒宣慰司之地屬
 貢正院有司毋得差占察罕腦兒之地在世祖時謀
 忙哥牙太子四千戶今從皇后奇氏請故以屬之資
 正院甲辰太白犯右執法戊申命國王囊加牙中書
 平章政事佛家奴也先不花知樞密院事黑驤等備
 領探馬赤軍進征遼陽己酉太白犯左執法丙辰遣
 去用既殺毛貴其黨續繼祖自遼陽入益都殺君用

遂與其所部自相讎敵是月霸州及介休靈石縣
八月辛酉朔倪文俊餘黨陷歸州戊寅察罕帖木兒
督諸將閔思孝李克彝虎林赤賽因赤答忽脫因不
花呂文完哲賀宗哲孫翥等攻破汴梁城劉福通奉
其僞主遁退據安豐己卯蝗自河北飛渡汴梁食田
禾一空詔以察罕帖木兒為河南行省平章政事兼
同知河南行樞密院事陝西行臺御史中丞依前便
軍行事仍賜御衣七寶腰帶以旌其功是月大同路
蝗襄垣縣螟錄九月癸巳以中書平章政事帖里帖
木兒為陝西行省左丞相便宜行事乙巳以湖南

江東西四道廉訪司所治之地皆陷詔任其所便之
地置司丙午夜白虹貫天丁未禁軍人不得私殺牛
馬甲寅太白犯天江是月

大明兵取衢州路詔遣兵部尚書伯顏帖木兒戶部
尚書曹履亨以御酒龍衣賜張士誠徵海運糧冬十
月庚申朔詔京師十一門皆築甕城造弔橋以方國
珍為江浙行省平章政事壬申太白犯斗宿辛巳流
星大如桃十一月癸卯

大明兵取處州路戊申陳友諒兵陷杉關十二月戊
辰太白犯壘壁陣是月知樞密院事兀良哈台領太

不花軍其所部方脫脫與弟方伯帖木兒時保遼州
兀良哈台同唐瑛高脫因等屯孟州與察罕帖木兒
部將八不沙等交兵已而兀良哈台獨引達達軍還
京師方脫脫等乃從孛羅帖木兒皇太子憾太平忤
已以中書左丞成遵參知政事趙中皆太平所用使
監察御史誣成遵趙中以贓罪杖殺之是歲以後因
上都官闕盡廢大駕不復時巡陳友諒以江州爲都
迎僞主徐壽輝居之自稱漢王

二十年春正月己丑朔察罕帖木兒請以鞏縣改立
軍州萬戶府招民屯種從之御史大夫老的沙御史
中丞咬住奏今後各處從宜行事官員毋得陰挾私
讐明爲舉索輒將風憲官吏擅自遷除侵擾行事沮
壞臺綱從之己亥太陰犯井宿癸卯大寧路陷壬子
以危素爲參知政事乙卯會試舉人知貢舉平章政
事八都麻失里同知貢舉翰林學士承旨李好文禮
部尚書許從宗考試官國子祭酒張翥同考官太常
博士傅亨等奏舊例各處鄉試舉人三年一次取三
百名會試取一百名今歲鄉試所取比前數少止有
八十八名會試三分內取一分合取三十名如於三
十名外添取五名爲宜從之丙辰五色雲見移時二

月戊午朔左丞相太平罷爲太保守上都三月戊子朔田豐陷保定路彗星見東方甲午廷試進士三十五人賜買住魏元禮進士及第其餘出身有差乙巳冀寧路陷壬子以搠思監爲中書右丞相夏四月庚申命大司農司都事樂元臣招諭田豐至其軍爲豐所害丁卯太陰犯明堂辛未僉行樞密院事張居敬復興中州癸酉太陰犯東咸五月丁亥朔日有食之兩霄陳友諒殺其僞主徐壽輝於太平路遂稱皇帝國號大漢改元大義已而回駐於江州乙未陳友諒遣羅忠顯陷辰州己亥以紆佳馬爲中書平章政事壬寅太陰祀建

星是月張士誠海運糧十一萬石至京師閏月己未以太尉也帖木兒知經筵事以甘肅行省左丞相阿吉刺爲太尉乙亥流星大如桃六月己丑命孛羅帖木兒部將方脫脫守禦嵐興保德州等處詔今後察罕帖木兒與孛羅帖木兒部將毋得互相越境侵犯所守信地因而讐殺方脫脫不得出嵐興州境界察罕帖木兒亦不得侵其地癸巳太白犯井宿戊戌太陰犯建星是月

大明兵取信州路秋七月辛酉命遼陽行省參知政事張居敬討義州賊孛羅帖木兒敗賊王士誠於臺

州乙丑太陰犯井宿乙亥詔李羅帖木兒總領達達漢兒軍馬為總兵官仍便宜行事八月戊子命李羅帖木兒守石嶺關以北察罕帖木兒守石嶺關以南辛卯太陰犯天江壬辰加封福建鎮閩王為護國英仁武烈忠正福德鎮閩尊王乙未永平路陷壬辰填星犯太微甲辰太陰犯井宿詔諸處所在權攝官員專務漁獵百姓今後非朝廷允許不得之任庚戌詔江浙行省左丞相達識帖睦迺加太尉兼知江浙行樞密院事提調行宣政院事便宜行事九月乙卯朔詔遣參知政事也先不花往諭李羅帖木兒察罕帖

木兒令講和時李羅帖木兒調兵自石嶺關直抵美寧圍其城三日復退屯交城察罕帖木兒調參政閻奉先引兵與戰已而各於石嶺關南北守禦壬戌賊陷孟州又陷趙州攻真定路祭未賊復犯上都右丞忙哥帖木兒引兵擊之敗績冬十月甲申朔甘露降于國子監大成殿前柏木以張良弼為湖廣行省參知政事討南陽襄樊詔李羅帖木兒守美寧李羅帖木兒遣保保殷與祖高脫因倍道趨美寧守者不納丙戌命迭兒必失為太尉守衛大幹耳朵思戊子樊惑犯井宿己亥察罕帖木兒遣陳素直瑣住等以兵

攻亭羅帖木兒之軍于異寧與字羅帖木兒部將
列伯戰敗之時帝有旨以異寧昇字羅帖木兒察罕
帖木兒以為用兵數年惟藉異言以給其軍而致盛
強苟奉旨與之則彼得以足其兵食乃託言用師汴
梁尋渡河就屯澤潞拒之調延安軍交戰於東勝州
等處再遣八不沙以兵援之八不沙謂彼軍奉旨而
來我何敢抗王命察罕帖木兒怒殺之十一月甲寅
朔黃河清凡三日字羅帖木兒以兵侵汾州察罕帖
木兒以兵拒之癸酉賊犯易州十二月丙戌詔太廟
影堂祭祀乃子孫報本重事近兵興歲歉品物不能
豐備累朝祭城為春秋二祭今宜始以四祭後竟不
行辛卯廣平路陷是歲陽翟王阿魯帖木兒率兵
數十萬屯于米兒古徹兀之地將犯京畿使來言曰
祖宗以天下付汝汝已失其大半若以國璽付我我
當自為之帝遣報之曰天命有在汝欲為則為之命
樞密院事秃堅帖木兒等將兵擊之不克軍士皆潰
秃堅帖木兒走上都

元史卷四十五

忒哩帖木兒

忒哩帖木兒

忒哩帖木兒

忒哩帖木兒

忒哩帖木兒

忒哩帖木兒

忒哩帖木兒

忒哩帖木兒

紀卷第四十六

元史四十六

翰林學士亞中夫知制誥兼修國史 吳宋濂 翰林待制承旨高智制誥兼國史院編修管臣 孟禕等奉

勅修

順帝九

二十一年春正月癸丑朔詔赦天下命中書參知政

事七十往諭孛羅帖木兒罷兵還鎮復遣使往諭察

罕帖木兒亦令罷兵孛羅帖木兒縱兵掠冀寧等處

察罕帖木兒以兵拒之故有是命庚申太陰犯歲星

乙丑河南賊犯杞縣察罕帖木兒討平之丁卯李思

齊進兵平伏羗縣等處癸酉石州大風拔木六畜俱

順治十五年刊

鳴民所持槍忽生火焰抹之卽無搖之卽有二月癸未朔填星退犯太微垣甲申同僉樞密院事迭里帖木兒復永平陝州等處己丑察罕帖木兒駐兵霍州攻孛羅帖木兒壬寅太陰犯天江是月江南行臺侍御史八撒刺不花殺廣東廉訪使完者篤副使李思誠僉事迭麥赤以兵自衛據廣州時八撒刺不花不受命訪使久居廣東專恣自用詔乃以完者篤等爲廉訪司官而除八撒刺不花侍御史八撒刺不花不受命怒完者篤等代己卽誣以罪盡殺之惟廉訪使董鑰哀請得免三月丙辰太陰犯井宿癸酉察罕帖木兒

調兵討永城縣又駐兵宿州擒賊將梁綿住庚辰熒惑犯鬼宿是月張士誠海運糧一十一萬石至京師孛羅帖木兒罷兵還遣脫列伯等引兵據延安以謀入陝張良弼出南山義谷駐藍田受節制於察罕帖木兒良弼又陰結陝西行省平章政事定住聽丞相帖里帖木兒調遣營于鹿臺夏四月辛巳朔日有食之是月以張良弼爲陝西行省叅知政事察罕帖木兒遣其子副詹事擴廓帖木兒貢糧至京師皇太子親與定約遂不復疑五月癸丑四川明玉瑛陷嘉定等路李思齊遣兵擊敗之壬戌太陰犯房宿癸酉太

白犯軒轅甲戌熒惑犯太白乙亥察罕帖木兒以兵
侵孛羅帖木兒所守之地是月李思齊受李武崔德
等降六月乙未熒惑歲星太白聚于翼宿丙申察罕
帖木兒總兵討山東發晉軍下井陘出邯鄲過磁相
懷衛踰白馬津發其軍之在汴梁者繼之水陸並進
戊戌太陰犯雲雨甲辰太白晝見秋七月辛亥察罕
帖木兒平東昌己巳忻州西北有赤氣蔽天如血是
月察罕帖木兒進兵復冠州八月乙酉大同路北方
夜有赤氣蔽天移時方散庚子以福建行省平章政
事普化帖木兒爲江南行臺御史大夫癸卯

大明兵取江州路時僞漢陳友諒據江州爲都至是
退都武昌是月察罕帖木兒遣其子擴廓帖木兒關
思孝等會關係虎林赤等將攻由東河造浮橋以濟
賊以二萬餘衆奪之關係虎林赤且戰且渡拔長清
討東平東平僞丞相田豐遣崔世英等出戰大破之
乃遣使招諭田豐豐降東平平今豐爲前鋒從大軍
東討濠州俞寶降東平王士誠東昌楊誠等皆降魯
地悉定進兵濟南劉珪降遂圍益都九月戊午陽春
王阿魯輝帖木兒伏誅阿魯輝帖木兒以宗親見天
下盜賊並起遂乘間隙肆爲異圖詔少保知樞密院

事老章率諸軍討之老章遂敗其衆尋爲部將同知
太常禮儀院事脫驪所擒送闕下詔誅之於是詔加
老章太傅和寧王以阿魯輝帖木兒之弟忽都帖木
兒襲封陽翟王宗王囊加玉樞虎兒吐華與脫驪悉
蒙加封壬戌四川賊兵陷東川郡縣李思齊調兵擊之
壬申命李羅帖木兒於保定以東河間以南從便屯
種是月命兵部尚書徹徹不花侍郎韓祺徵海運糧
于張士誠

大明取建昌饒州之路冬十月癸巳絳州有赤氣見
北方如火以察罕帖木兒爲中書平章政事兼知河

南山東等處行樞密院事陝西行御史臺中丞察罕
帖木兒調叅知政事陳秉直劉珪等守禦河南十一
月戊申朔温州樂清縣雷庚戌太陰犯建星癸亥太
陰犯井宿戊辰黃河自平陸三門積下至孟津五百
餘里皆清凡七日命秘書少監程徐祀之壬申太陰
犯氏宿是月察罕帖木兒李思齊遣兵圍鹿臺攻張
良弼詔和解之俾各還信地兵乃解是歲京師大饑
屯田成收糧四十萬石賜司農丞胡秉彛尚尊金幣
以旌其功

二十二年春正月戊申朔太白犯建星甲寅詔李思

齊計四川張良弼平襄漢時兩軍不和故有是命乙卯填星退犯左執法庚申

大明取江西龍興諸路時江西諸路皆陳友諒所據丁卯詔以太尉完者帖木兒為陝西行省左丞相仍命察罕帖木兒屯種于陝西申諭李思齊張良弼等各以兵自効以也先不花為中書右丞二月丁丑朔盜殺陝西行省右丞塔不歹已卯太白犯壘壁陣乙酉彗星見于危宿光芒長丈餘色青白丁酉彗星犯離宮西星至二月終光芒長二丈餘是月知樞密院事禿堅帖木兒奉詔諭李思齊討四川時思齊退保

鳳翔使至思齊進兵益門鎮使還思

復歸鳳翔三

月戊申彗星不見星形惟有白氣形

竟六西籍掃

大角壬子彗星行過太陽前惟有星

形無芒在界

至戊午始滅甲寅四川明玉珍陷雲

南省治屯金

山陝西行省叅知政事車力帖木兒

等擊敗之擒

玉珍弟明二己未御史大夫老的沙

辭職不許是日

命孛羅帖木兒為中書平章政事位

第一加大尉張

良弼受節制於孛羅帖木兒李思齊遣

兵攻良弼至于

武功良弼以伏兵大破之夏四月丙

子朔長星見其

形如練長數十丈在虛危之間後四

十餘日乃滅丁

亥熒惑離太陽二十九度不見當出
王駙馬御史臺各衙門不許占匿
未賊新橋張陷安州李羅帖木兒來
興路大疫五月乙巳朔泉州賽甫下
行省平章政事燕只不花擊敗之餘
州福建行省叅知政事陳有定復汀
叅知政事陳祖仁上章乞罷修上都
犯建星辛未明玉珎據成都自稱龍
尚書守重慶分兵寇龍州青州犯興
月張士誠海運糧二十三萬石至京
師六月辛巳彗

星見紫微垣光芒長尺餘東南指西
光芒掃上宰田豐及王上誠刺殺察
入益都城衆乃推察罕帖木兒之子
總兵官復圍益都詔贈察罕帖木兒
亮節功臣開府儀同三司上柱國河
進封忠襄王謚獻武食邑沈丘縣令
立廟長吏歲時致祭其父司徒阿都
頃其子擴廓帖木兒授光祿大夫中
知河南山東等處行樞密院事同知
軍馬並聽節制仍詔諭其將士曰

不出己丑詔諸
不當差役乙
謂援兵是月紹
據福州路福建
衆航海還據泉
州路己未中書
官闕辛酉太陰
蜀王遣偽將楊
元鞏昌等路是
用行戊子彗星
于帖木兒遂走
擴廓帖木兒爲
正誠定遠宣忠
南行省左丞相
河南山東等處
溫賜良田二百
書平章政事兼
唐書院事一應
爾將佐久爲察

軍帖木兒從事惟恩與義寔同骨肉
冀天當力圖報復以伸大義己亥益
廓帖木兒生擒六百餘人斬首八百
卯彗星滅跡丙辰熒惑見西方須臾
光烟有文橫亘中天移時乃滅是日
民居八月己亥擴廓帖木兒言孛羅
孛延安掠黃河上下欲東渡以奪
巳太白犯畢宿九月癸卯朔劉福通
以兵援田豐至
破之甲辰以山
北廉訪司權置于惠州丁未太白犯
乙亥己酉太陰

犯斗宿癸亥歲星犯軒轅丙寅熒惑犯鬼宿戊辰以
也速為遼陽行省左丞相依前總兵撫安迤東郡縣
巳巳有流星如酒盃色青曰光明燭地熒惑犯鬼宿
積屍氣冬十月壬申朔江西行省平章朶列不花移
檄討八撒刺不花時朶列不花分省廣州適邵宗愚
陷廣州執八撒刺不花殺之甲戌孛羅帖木兒南侵
擴廓帖木兒所守之地遂據真定路巳卯太陰犯牛
宿丁亥辰星犯亢宿戊子太陰犯畢宿十一月乙巳
擴廓帖木兒復益都田豐等伏誅自擴廓帖木兒既
襲父職身率將士誓必復讐人心亦思自奮圍城益

急賊悉力拒守。乃以壯士冗地通道而入。遂克之。盡誅其黨。取田豐。王士誠之心。以祭。察罕帖木兒。庚戌。擴廓帖木兒遣關保復莒州。山東悉平。庚申。詔授擴廓帖木兒太尉。銀青榮祿大夫。中書平章政事。知樞密院事。太子詹事。便宜行事。襲總其父兵將校士卒。論賞有差。察罕帖木兒父阿魯溫進封汝陽王。察罕帖木兒改贈宣忠興運弘仁効節功臣。追封潁川王。改謚忠襄。癸亥。四川賊兵陷清州。十二月壬辰。太陰犯角宿。庚子。以中書平章政事佛家奴爲御史大夫。是歲。樞密副使李士瞻上疏極言時政。凡二十條。一

日悔已過。以詔天下。二日罷造作。以快人心。三日御經筵。以講聖學。四日延老成。以詢治道。五日去姑息。以振乾剛。六日開言路。以求得失。七日明賞罰。以厲百司。八日公選舉。以息奔競。九日察近倖。以杜奸弊。十日嚴宿衛。以備非常。十一日省佛事。以節浮費。十二日絕濫賞。以足國用。十三日罷各官屯種。俾有司經理。十四日減常歲計置。爲諸宮用度。十五日招集散亡。以實八衛之兵。十六日廣給牛具。以備屯田之用。十七日獎勵守令。以勸農務。本十八日開誠布公。以禮待藩鎮。十九日分遣大將。急保山東。二十日依

唐廣寧故事。分道進取。先是薊國公脫火赤上言乞罷三官造作帝為減軍匠之半還隸宿衛而造作如故。故士瞻疏首及之。皇太子嘗坐清寧殿。分布長席。列坐西番高麗諸僧。皇太子曰。李好文先生教我儒書多年。尚不省其義。今聽佛法。一夜即能曉焉。於是頗崇尚佛學。帝以讒廢高麗王伯顏帖木兒。立塔思帖木兒為王。國人上書言舊王不當廢。新王不當立之故。初皇后奇氏宗族在高麗。恃寵驕橫。伯顏帖木兒屢戒飭不悛。高麗王遂盡殺奇氏族。皇后謂太子曰。爾年已長。何不為我報讐。時高麗王昆弟有留京

者。乃議立塔思帖木兒為王。而以奇族子三寶奴為元子。以將作同知塔思帖木兒為丞相。以兵萬人送之國。至鴨綠江為高麗兵所敗。僅餘十七騎還京師。詔加封唐撫州刺史南庭王危全諷為南庭忠烈靈惠王。

二十三年春正月壬寅朔四川明玉珍僭稱皇帝。建國號曰大夏。紀元曰天統。乙巳大寧。陷庚戌歲星犯軒轅。二月戊戌太白晝見。庚子亦如之。是月擴廓帖木兒自益都領兵還河南。留鎖住以兵守之。益都以山東州縣立屯田萬戶府。三月辛丑朔彗星見東方。經月乃

滅詔中書平章政事愛不花分省冀寧擴廓帖木兒
遣兵據之丙午大赦天下丁未親試進士六十二人
賜寶寶揚輓進士及第餘出身有差丙辰太白犯
宿二戌大同路夜有赤氣亘天中侵北斗是月立廣
西行中書省以廉訪使也兒吉尼為平章政事時南
方郡縣多陷沒惟也兒吉尼獨保廣西者十五年立
膠東行中書省及行樞密院總制東方事以袁宏為
參知政事是春關先生餘黨復自高麗還寇上都字
羅帖木兒擊降之夏四月辛丑災感犯歲星字羅帖
木兒李思齊互相交兵庚申歲星犯軒轅是月擴廓

帖木兒遣豹高等以兵擊張良弼五月己巳朔張士
誠海運糧十三萬石至京師壬午太白晝見甲午亦
如之乙未災感犯右執法是月爪哇遣使淡濛加加
賊進金表貢方物六月戊戌朔字羅帖木兒遣兵
脫迎巨福於彰德擴廓帖木兒遣兵追之敗還巨福
遂據保定路己亥擴廓帖木兒部將夕驢等駐兵藍
田七盤李思齊攻圍興平遂據整屋字羅帖木兒時
奉詔進討襄漢而夕驢阻道於前思齊踵襲於後乃
請催督擴廓帖木兒東出潼關道路既通即便南討
戊申字羅帖木兒遣竹貞等入陝西據其省治時陝

西行省右丞谷失鐵木兒與行臺有隙且恐陝西為擴廓帖木兒所據陰結於字羅帖木兒請竹貞入城劫御史大夫完者帖木兒及監察御史張可遵等印其後屢使召完者帖木兒貞拘留不遣擴廓帖木兒遣部將貊高與李思齊合兵攻之竹貞出降遂從擴廓帖木兒庚戌星隕于濟南龍山之地五尺甲寅詔授江南下第及後期舉人為路府州儒學教授乙卯大白犯井宿丁巳絳州有白虹二道衝斗牛間庚申平陽路有白氣一道一貫北極一貫北斗一貫天漢至夜分乃滅戊大白晝見夜犯井宿秋七月戊

朔京師大雹傷禾稼丁丑以馬良為中書參知政事乙酉太白晝見有星墜于慶元路西北聲如雷光芒數十丈久之乃滅八月丁酉朔倭人寇蓬州守將劉暹擊敗之自十八年以來倭人連寇瀕海郡縣至是海隅遂安辛丑擴廓帖木兒遣兵侵字羅帖木兒所守之境壬寅太白犯軒轅乙巳太陰犯建星丁未太白犯軒轅己酉太白晝見丙辰太陰犯畢宿沂州有赤氣亘天中有白色如蛇形徐徐西行至夜分乃滅戊午字羅帖木兒言擴廓帖木兒踵襲父惡有不臣之罪乞賜處置己未太白晝見辛酉太白犯歲星乙

丑太白犯右執法是月

大明兵與偽漢兵大戰于鄱陽湖陳友諒敗績而死

其子理自立仍據武昌為都改元德壽

大明兵遂進圍武昌九月丁卯朔遣爪哇使淡濠加

加賜還國詔賜其國主三珠金虎符及織金紋幣

未太白犯左執法乙亥歲星犯右執法丁丑辰星犯

填星丁亥太白犯填星辰星犯亢宿是月張士誠自

稱吳王來請命不報遣戶部侍郎博羅帖木兒等

海運于張士誠士誠不與冬十月丙申朔青齊一

赤氣千里癸卯太白犯氐宿甲辰湖廣偽姚平章

知院陰遣人言於擴廓帖木兒設計擒殺偽漢主陳

理及偽夏主明玉珍不果已酉監察御史米只兒海

牙劾奏太博太平罪狀詔安置太平于陝西之西仍

拘收宣命并御賜等物戊午太白犯房宿是月擴廓

帖木兒遣僉樞密院事任亮復安陸府李羅帖木兒

遣兵攻莫寧至石嶺圍擴廓帖木兒大破走之擒其

將烏馬兒殷興祖李羅帖木兒軍由是不振十一月

壬甲御史臺臣言故右丞相脫脫有大臣之體向在

中書政務修舉深懼滿盈自求引退加封鄭王固辭

不受再秉鈞軸克濟艱危統軍進征平徐州之六合

大司垂成浮言搆難未詔謝兵就賊以沒已蒙錄用
其子還所籍田宅更乞憫其勲舊還其所授宣命從
之癸未太陰犯軒轅歲星犯左執法是歲御史大夫
老的沙與知樞密院事禿堅帖木兒得罪於皇太子
皆奔大同李羅帖木兒匿之營中
二十四年春正月戊寅太白犯軒轅庚辰保德州民
家產豬一頭兩身二月壬子歲星犯左執法癸丑太
陰犯西咸池是月

大明滅僞漢其所據湖南北江西諸郡皆降于

大明三月乙亥監察御史王朶列禿崔卜顏帖木兒

等諫皇太子勿親征辛卯詔以李羅帖木兒匿老的
沙謀爲悖逆解其兵權削其官爵候道路開通許還
四川田里李羅帖木兒拒命不受夏四月甲午朔命
擴廓帖木兒討李羅帖木兒乙未太陰犯西咸池李
羅帖木兒悉知詔令調遣之事非出帝意皆右丞相
搠思監所爲遂令禿堅帖木兒舉兵向闕壬寅禿堅
帖木兒兵入居庸關癸卯知樞密院事也速詹事不
蘭奚迎戰于皇后店不蘭奚力戰也速不援而退不
蘭奚幾爲所獲脫身東走甲辰皇太子率侍衛兵出
光熙門東走古北口趨興松乙巳禿堅帖木兒兵至

清河列營時都城無備。城中大震。令百官吏卒分守京城。使達達國師至其軍問故。以必得搠思監及宦官朴不花爲對。詔慰解之不聽。丁未詔屏搠思監于嶺北。竄朴不花于甘肅。執而與之。復李羅帖木兒前官。仍總兵。以也速爲左丞相。庚戌禿堅帖木兒陳兵自健德門入。覲帝于延春閣。慟哭請罪。帝就宴賚之。加李羅帖木兒太保。依前守禦大同。禿堅帖木兒爲中書平章政事。辛亥禿堅帖木兒軍還。皇太子至路兒嶺。詔追及之還宮。癸丑太白犯井宿甲子。黃河清。戊辰擴廓帖木兒奉命討李羅帖木兒。屯兵冀寧其

東道以白鎖住領兵二萬守禦京師。中道以豹高領兵四萬。西道以關保領軍五萬。合擊之。關保率兵逼大同。李羅帖木兒留兵守大同。而自率兵與禿堅帖木兒老的沙復大舉向關。甲戌太白犯鬼宿乙亥。又犯積屍氣。歲星犯左執法。六月癸卯三星晝見。白氣橫突其中。甲辰河南府有大星。夜見南方光如星。丁未大星隕。照夜如晝。及旦黑氣晦暗如夜。甲寅鎖住以兵至京師。請皇太子西行。丁巳太白犯右執法。是月保德州黃龍見。井中秋七月癸亥太白與歲星合于翼宿。甲子歲星犯左執法。丙戌李羅帖木

兒前鋒軍入居庸關皇太子親率軍禦于清河也遠
軍于昌平軍士皆無鬪志皇太子馳還都城白鎖住
引兵入平則門丁亥白鎖住扈從皇太子出順承門
由雄霸河間取道往真寧戊子字羅帖木兒駐兵德
德門外與禿堅帖木兒老的沙入見帝于宣文閣
其非罪皆泣帝亦泣乃賜宴字羅帖木兒欲遣襲皇
太子老的沙止之庚寅詔以字羅帖木兒為中書左
丞相老的沙為中書平章政事禿堅帖木兒為御史
大夫其部屬亦列省臺百司以也遠知樞密院事
諭字羅帖木兒擴廓帖木兒俱朕朕肱視同心誓自

今各棄宿忿弼成大勳是月
大明兵取廬州路八月壬辰朔日有食之乙未災惑
犯鬼宿壬寅詔以字羅帖木兒為中書右丞相監脩
國史節制天下軍馬乙巳皇太子至冀寧乙卯張士
誠自以其弟士信代達識帖睦迺為江浙行省左丞
相是月字羅帖木兒請誅狎臣禿魯帖木兒波迪哇
兒禡罷三宮不急造作沙汰宦官減省錢糧禁止西
番僧人好事九月辛酉朔宦官思龍宜潛送宮女伯
忽都出自順承門以達于皇太子乙丑太白晝見癸
酉夜天西北有紅光至東而散甲申太陰犯軒轅是

大明兵取中興及歸峽潭衡等路。冬十月丙午太陰犯畢宿巳酉太陰犯井宿巳未詔皇太子還京師命也速老的沙分道總兵十二月乙卯太陰犯太白二十五年春正月癸亥封李思齊為許國公丙寅太白晝見戊辰亦如之巳巳

大明兵取寶慶路守將唐隆道遁走偽漢守將熊天瑞以贛州及韶州南雄降于

大明甲戌太白犯建星壬午監察御史李羅帖木兒賈彬等辯明哈麻雪雪之罪二月辛丑汴梁路見日

傍有一月一星丙午太陰犯填星戊午皇太子在冀寧命甘肅行省平章政事朵兒只班以岐王阿剌乞兒軍馬會平章政事臧卜李思齊各以兵守寧夏三月庚申皇太子下令于擴廓帖木兒軍中曰李羅帖木兒襲據京師余既受命總督天下諸軍恭行顯罰少保中書平章政事擴廓帖木兒躬勒將士分道進兵諸王駙馬及陝西平章政事李思齊等各統軍馬尚其奮義戮力尅期恢復丙寅李羅帖木兒幽置皇后奇氏于諸色總管府丁卯命老的沙別帖木兒並為御史大夫戊辰太白犯壘壁陣夏四月庚寅李羅

帖木兒至諸色總管府見皇后奇氏令還宮取印章
作書遺皇太子遣內侍官完者克持往真寧復出皇
后幽之乙巳關保等兵進圍大同壬子熒惑犯靈臺
乙卯關保入大同五月辛酉熒惑犯太微垣甲子京
師天雨菴長尺許或言於帝曰龍絲也命拾而祀之
乙亥

大明兵破安陸府守將任亮迎戰被執已卯

大明兵破襄陽路是月侯卜延谷失奉威順王自雲

南經蜀轉戰而出至成州欲之京師李思齊俾屯曰

于成州六月戊子以黎安道為中書參知政事辛子

湖廣行省左丞周文貴復寶慶路乙巳皇后奇氏自

山所還宮乙卯以太尉火你赤為御史大夫是月皇

太子加李思齊銀青榮祿大夫邠國公中書平章政

事皇太子詹事第四川行樞密院事虎符招討使分

中書四部秋七月丁丑填星歲星熒惑聚于角亢太

陰犯畢宿己卯太陰犯畢宿乙酉孛羅帖木兒伏誅

禿堅帖木兒老的沙皆遁走丙戌遣使函孛羅帖木

兒首往真寧召皇太子還京師大赦天下黎安道方

脫脫雷一羣皆伏誅是月京師大水河決小流口達

于清河八月丁亥朔京城門至是不開者三日竹貞

豹高軍至城外命軍士緣城而上碎平則門鍵悉以
軍入占民居奪民財乙未太陰犯建星己亥太白犯
壘壁陣癸卯詔命皇太子分調將帥戡定未復郡邑
即還京師行事之際承制用人並唯正授丁未皇后
弘吉刺氏崩壬子以洪寶寶帖古思不花捏烈禿並
為中書平章政事九月擴廓帖木兒扈從皇太子至
京師丁丑太陰犯井宿壬午詔以伯撒里為太師中
書右丞相監修國史擴廓帖木兒為太尉中書左丞
相尋復國重事同監修國史知樞密院事兼太子詹
事是月以少國師為淮南行省左丞相分省慶元冬

十月辛卯癸亥犯天江壬寅以哈刺章為知樞密院
事丁未益王渾都帖木兒樞密副使觀音奴擒老的
沙誅之禿堅帖木兒以餘兵往八兒思之地命嶺北
行省左丞相山僧及知樞密院事魏賽因不花同討
之戊申以資政院使禿魯為御史大夫己酉癸亥犯
斗宿太陰犯右執法庚戌太陰犯太微垣閏月庚申
以賓國公五十八為知樞密院事詔張真弼俞寶孔
真等悉聽調於擴廓帖木兒戊辰太白辰星癸亥彗
孛斗宿太陰犯畢宿辛未詔封擴廓帖木兒河南王
代皇太子親征總制關陝晉冀山東等處并迤南一

心軍馬諸王各受馬應該總兵統兵領兵等官凡軍
一切機務錢糧名爵黜陟予奪悉聽便宜行事主
事太白犯辰星辛巳以脫脫木兒為中書右丞達識
帖木兒為叅知政事己丑太白犯熒惑太陰犯壘壁
陣丙申太陰犯畢宿癸卯太陰犯太微垣是月
大明兵取秦州時秦州通州高郵淮安徐州宿州泗
州濠州安豐諸郡皆張士誠所據十二月乙卯詔立
次皇后奇氏為皇后改奇氏為肅良合氏詔天下仍
對奇氏父以壬三世皆為王爵癸亥太陰犯畢宿以
沾林汝為中書叅知政事庚子為恩西房宿辛未太

陰犯右極法是月禿駝帖木兒伏誅

紀卷第四十六

卷第四十七

元二八四十七

翰林學士直中矣知制誥無修國史臣宋濂等請將制誥並國史院編修官三韓等奉

勅修

順帝十

二十六年春正月己酉以崇政院使孛羅沙為御史大夫壬子以完者木知樞密院事是月以沙蓋答里為中書左丞相命燕南河南山東陝西河東等處舉人會試者增其額數進士及第以下遞升官一級二月癸丑朔立河淮水軍元帥府於孟津縣甲戌詔天下以是者逆臣孛羅帖木兒亮堅帖木兒老的沙等

于紀亂倫內外之民經值軍馬致使困乏與免一切
雜泛差徭是月擴廓帖木兒還河南分立省部以自
隨尋居懷慶又居彰德調度各處軍馬陝西張良弼
拒命三月癸未朔罷洛陽嵩縣宣慰司丁亥白虹五
道亘天其第三道貫日又有氣橫貫東南良久始滅
甲午擴廓帖木兒遣關保虎林赤以兵西攻張良弼
于鹿臺李思齊脫烈伯孔興等兵皆與良弼合以鬻
子脫脫木兒知樞密院事乙未廷試進士七十二人
賜赫德溥化張棟進士及第餘出身有差監察御史
玉倫普建言八事一曰用賢二曰申嚴宿衛三曰保

全臣子四曰八衛屯田五曰禁止奏請六曰培養人
才七曰罪人不孥八曰重惜名爵帝嘉納之是月
大明兵取高郵府夏四月辛酉詔立皇太子妃瓦只
刺孫答里氏是月

大明兵取淮安路徐州宿州濠州泗州穎州安豐路
五月壬午朔洛陽瑞麥生一莖四穗甲辰以脫脫不
花爲御史大夫六月壬子朔汾州介休縣地震平遙
縣大雨雹紹興路山陰縣卧龍山裂己未命知樞密
院事實問以兵守直沽命河間鹽運使拜住曹履亨
撫諭沿海竈戶俾出丁夫從實問征討丙寅詔英宗

時謀為不軌之臣其子孫或成丁者可安置舊地幼者隨母居草地終身不得入京城及不得授官止許於本愛馬應役皇后肅良合氏生日百官進箋皇后諭沙藍答里等曰自世祖以來正宮皇后壽日不曾進箋近年雖行不合典故却之秋七月辛巳朔日有食之徐溝縣地震介休縣大水石州大星如斗自西南而落甲申以李思齊為太尉甲午太白經天丙申擴廓帖木兒遣朱珎盧旺屯兵河中遣關保虎林赤合兵渡河會竹貞商嵩且約李思齊以攻張良弼良弼遣子弟質于思齊與良弼俱守明示等不從思齊

請詔和解之丙午太白經天八月戊寅以李國鳳為中書左丞陳有定為福建行省平章政事九月甲申李思齊兵下鹽井獲川賊余繼隆誅之禮部侍郎滿尚賓吏部侍郎掩篤刺哈自鳳翔還京師先是尚賓等持詔諭思齊開通川蜀道路思齊方兵爭不奉詔尚賓等留鳳翔一年至是始還丙戌以方國珍為江浙行省左丞相弟國瑛國珉姪明善並為江浙行省平章政事己亥以中書平章政事失列門為御史大夫辛丑孛星見東北方冬十月甲子擴廓帖木兒遣其弟脫因帖木兒及貊高完哲等駐兵濟南以控制

山東十一月甲申

大明兵取湖州路丙申

大明兵取杭州路及紹興路辛丑

大明兵取嘉興路時湖州杭州紹興嘉興松江平江

諸路及無錫州皆張士誠所據十二月庚午蒲城洛

水和順崖崩

二十七年春正月乙未絳州夜聞天鼓鳴將旦復鳴

其聲如空中戰鬪者庚子

大明兵取松江府癸卯

大明兵取沅州路是月李思齊張良弼脫列伯自會

于舍元殿基推李思齊為盟主同拒擴廓帖木兒二

月庚申以買住為雲國公七十為中書平章政事月

魯不花為御史大夫乙丑以詹事月魯帖木兒為御

史大夫三月丁丑朔萊州大風有大鳥至其翅如席

擴廓帖木兒遣兵屯滕州以禦王信庚子京師大風

自西北起飛砂揚礫白日昏暗夏五月丙子朔白氣

二道亘天以去歲水潦霜災嚴酒禁戊寅以空名宣

勅遣付福建行省命平章政事曲出陳有定同驗有

功者給之辛巳大同隕霜殺麥癸未福建行宣政院

以廢寺錢糧由海道送京師乙酉以完者帖木兒為

中書右丞相辭以老病不許辛卯以知樞密院事失
列門爲嶺北行省左丞相提調分通政院己亥以俺
普爲中書平章政事辛丑擴廓帖木兒定擬其所屬
官員二千六百一十人從之是月山東地震雨白堊
李思齊遣張良弼部將郭謙等守黃連寨擴廓帖木
兒部將關保虎林赤商鬲竹貞引兵拔其寨郭謙走
會貊高等爲變關保虎林赤夜遁李思齊遂解而西
六月丙午朔日有食之晝晦丁巳皇太子寢殿後新
甃井中有龍出光燄爍人宮人震懾仆地又長慶寺
有龍纏繞槐樹飛去樹中皆剝丁卯沂州山崩是月
知樞密院事壽安奉空名宣勅與侯伯顏達世令其
以兵援擴廓帖木兒時李思齊據長安與商鬲據戰
侯伯顏達世進兵攻李思齊秦州守將蕭公達降思
齊思齊知關保等兵退遣蔡琳等破其營侯伯顏達
世奔潰秋七月甲申命也速提調武備寺丁酉絳州
星隕光耀如晝是月李思齊遣許國佐薛穆飛會張
良弼脫列伯兵屯於華陰時命禿魯爲陝西行省左
承相思齊不悅遣其部將鄭應祥守陝西而自退鳳
翔龍見於臨朐龍山大石起立八月丙午詔命皇太
子總天下兵馬其略曰元良垂任職在撫軍稽古徵

今卓有成憲。曩者障塞決河。本以拯民昏墊。豈期妖盜橫造。訛言簧鼓。愚頑塗炭郡邑。殆遍海內。茲逾一紀。故察罕帖木兒仗義興師。獻功敵愾。汎掃汴洛。克平青齊。爲國捐軀。深可痛悼。其子橫廓帖木兒克繼先志。用成駿功。愛猷識理達臘計安宗社。累請出師。朕以國本至重。詎宜輕出。遂授擴廓帖木兒總戎重寄。畀以王爵。俾代其行。李思齊張良弼等各懷異見。構兵不已。以致盜賊愈熾。深遺朕憂。況全齊密邇。輦轂儻失。早計恐生異圖。詢諸衆謀。僉謂皇太子聰明仁孝。文武兼資。聿遵舊典。爰命以中書令樞密使悉

總天下兵馬。諸王駙馬各道總兵將吏。一應軍機政務。生殺予奪。事無輕重。如出朕裁。其擴廓帖木兒總領本部軍馬。自潼關以來。肅清江淮。李思齊總統本部軍馬。自鳳翔以西。與侯伯顏達世進取川蜀。以少保禿魯爲陝西行中書省左丞相。本省駐札總本部及張良弼孔興脫列伯各枝軍馬。進取襄樊。王信本部軍馬。固守信地。別聽調遣。詔書到日。汝等悉宜洗心滌慮。同濟時艱。庚戌。貂高殺衛輝守禦官余仁輔。彰德守禦官范國英引軍至清化。聞懷慶有備。遂還彰德。上疏言人臣以尊君爲本。以盡忠爲心。以愛民

爲務。今總兵官擴廓帖木兒歲與官軍讐殺。臣等乃朝廷培養之人。素知忠義。焉能俛首聽命。乞降明詔。別選重臣。以總大兵。詔以擴廓帖木兒不遵君命。宜黜其兵權。就命豹高討之。辛亥帖木兒不花進封准王。賜金印。設王傅等官。壬子爲皇太子。立大撫軍院。秩從一品。知院四員。同知二員。副使同僉各一員。經歷都事各二員。管勾一員。癸丑封太師伯撒里永平王。甲寅以右丞相完者帖木兒翰林承旨。荅爾麻平章政事完者帖木兒並知大撫軍院事。丙辰完者帖木兒言大撫軍院專掌軍機。今後迤北軍務仍舊制。

樞密院管。其餘內外諸王駙馬各處總兵統兵行省。行院宣慰司一應軍情不許隔越徑行。移大撫軍院。詹事院同知李國鳳同知大撫軍院事。叅政完者帖木兒爲副使。左司員外郎咬住樞密叅議王弘遠爲經歷。庚申完者帖木兒言諸軍將士有能用命効力。建立奇功者。請所賞宣勅依常制外。加以忠義功臣之號。從之。辛酉以完者帖木兒仍前少師知樞密院事也。速仍前太保中書右丞相帖里帖木兒以太尉。添設中書左丞相丙寅立行樞密院于阿難答察罕。腦兒命挾西行省左丞相禿魯仍前少保兼知行樞

密院事壬申命帖里帖木兒仍前太尉左丞相爲知
大撫軍院事中書右丞陳敬伯爲中書平章政事九
月甲戌朔義士戴晉生上皇太子書言治亂之由命
右丞相也速以兵往山東命叅知政事法都忽刺分
戶部官一同供給丁亥以兵興迤南百姓供給繁重
其真定河南陝西山東興寧等處除軍人自耕自食
外與免民間今年田租之半其餘雜泛一切住罷辛
巳大明兵取平江路執張士誠乙酉

大明兵取通州丁亥

大明兵取無錫州巳丑詔也速以中書右丞相分省

山東沙藍答里以中書左丞相分省大同丙申太師
汪家奴追封兗王謚忠靖巳亥命帖里帖木兒提調
端本堂及領經筵事辛丑

大明兵取台州路時台州温州慶元三路皆方國瑛
所據冬十月甲辰朔貊高以兵入山西定孟州忻州
下澗州遂攻真定詔也速自河間以兵會貊高取真
定巳而不克命也速還河間貊高還彰德乙巳皇太
子奏以淮南行省平章政事王信爲山東行省平章
政事兼知行樞密院事立中書分省于真定路丙午
加司徒淮南行省平章政事王宣爲沂國公丁未享

于太廟壬子詔擴廓帖木兒落太傅中書左丞相并諸兼領職事仍前河南王錫以汝州爲其食邑其弟脫因帖木兒以集賢學士同擴廓帖木兒於河南府居其帳前諸軍命瑣住虎林赤一同統之其河南諸軍命中書平章政事內史李克彝統之關保本部諸軍仍舊統之山東諸軍命太保中書右丞相也速統之山西諸軍命少保中書左丞相沙藍答里統之河北諸軍命知樞密院事貊高統之赦天下甲寅以大里赤爲中書平章政事乙丑命集賢大學士丁好禮爲中書添設平章政事丙寅平章內史關保封許國

公巳巳

大明兵取温州十一月壬午

大明兵取沂州守臣王信遁其父宣被執癸未

大明兵取慶元路丙戌以平章政事月魯帖木兒知樞密院事完者帖木兒平章政事伯顏帖木兒帖林沙並知撫軍院事戊子

大明兵取嶧州乙未以知樞密院事貊高爲中書平章政事命大尉中書左丞相帖里帖木兒爲撫軍院使丁酉命帖里帖木兒同監修國史命關保分省于晉寧辛丑

大明兵取益都路。平章政事保保降。宣慰使普顏不
花總管胡濬知院張俊皆死之。十二月癸卯朔日有
食之。丁未。

大明兵取般陽路。戊申。

大明兵取濟寧路。陳秉直遁。己酉。

大明兵取萊州。遂取濟南。及東平路。丁巳。

大明兵入杉關。取邵武路府。邵武建寧延平福州興
化泉漳汀潮諸路皆陳友定所據。庚申。以楊誠陳秉
直並爲國公。中書平章政事。申子命右丞相也。速太
尉知院脫火赤。中書平章政事。忽林台。平章政事。額

高知樞密院事。小章典堅帖木兒。江文清驢兒等會
楊誠陳秉直伯顏不花俞勝各部諸軍同守禦山東。
又命關保往援山東。丙寅。以莊家爲中書叅知政事。
庚午。

大明兵由海道取福州。守臣平章政事曲出遁。行宣
政院使朶耳死之。是月方國瓌歸于

大明。詔命陝西行省左丞相禿魯總統張良弼脫列
伯孔興各枝軍馬以李思齊爲副總統禦關中撫安
軍民脫列伯孔興等出潼關及取順便山路渡黃河
合勢東行共勤王事。思齊等皆不奉命。是歲詔分潼

關以西屬李思齊。以東屬擴廓帖木兒。各罷兵還鎮。於是關保退屯潞州。商高留屯潼關。二十八年春正月壬申朔。皇太子命關保固守晉寧。總統諸軍如擴廓帖木兒拒命。當以大義相裁。就便擒擊。以中書平章政事不顏帖木兒爲御史大夫。辛巳。詔諭擴廓帖木兒曰。比者也。速上奏。卿以書陳情。深自悔悟。及省來意。良用惻然。朕視卿猶子。卿何惑於儉言。不體朕心。墮其先業。卿今能自悔。固朕所望。卿其思昔委任肅清江淮之意。卽將興寧真定諸軍。就行統制。渡河直擣徐沂。以康靖齊魯。則職任之降。當

悉還汝衛輝彰德順德。皆爲王城。卿無以貊高爲名。縱軍侵暴。其晉寧諸軍。已西關保總制策應。戡定山東。將帥各宜悉心。庚寅。彗星見於昴畢之間。是月大明兵取建寧延平二路。陳友定被執。二月壬寅朔。詔削擴廓帖木兒爵邑。命禿魯李思齊等討之。詔曰。擴廓帖木兒本非察罕帖木兒之宗。俾嗣職任。與承遺烈。弄以相位。陟以師垣。崇以王爵。授以兵柄。顧乃憑籍寵靈。遂肆跋扈。構兵關陝。專事吞併。貊高倡明大義。首發姦謀。關保弗信邪言。乃心王室。陳其罪惡。請正邦典。今禿魯李思齊其率兵東下。共行天討。癸

卯武庫災癸丑

大明兵取東昌路。守將申榮王輔元死之。丙辰擴廓帖木兒自澤州退守晉寧關。保守澤潞二州。與貊高軍合。巳未

大明兵取寶慶路。甲子汀州路總管陳谷珍以城降于

大明。丙寅

大明兵取棣州。是月

大明兵至河南。李思齊張良弼等解兵西還。詔命知樞密院事脫火赤平章政事魏賽因不花進兵攻晉

寧。李思齊次渭南。張良弼次櫟陽。興化泉州漳州潮州四路皆降于

大明。二月庚寅彗星見于西北。壬辰翰林學士承旨王時太常院使陳祖仁上章乞撫諭擴廓帖木兒以兵勤王赴難。是月有星流于東北。衆小星隨之。其聲大震。

大明兵取河南。李思齊張良弼會兵駐潼關。火焚良弼營。思齊移軍葫蘆灘。調其所部張德歛穆薛飛守潼關。

大明兵入潼關。攻李思齊營。思齊棄輜重奔于鳳翔。

是月

大明兵取永州路。又取惠州路。夏四月辛丑朔

大明兵取英德州。丙午隕霜殺菽。戊申

大明兵取廣州路。又取嵩陝汝等州。五月庚午朔

大明兵取道州。李克彝棄河南城奔陝西。推李思齊

為總兵。駐兵岐山。是月李思齊部將忽林赤脫脫張

意據盩厔。商嵩據武功。李克彝據岐山。任從政據隴

州。六月庚子朔。徐溝縣地震。癸丑

大明兵取全州。郴州。梧州。藤州。尋州。貴象。鬱林等郡

甲寅。雷雨中有火。自天墜。焚大聖壽萬安寺。壬戌臨

緒

行幸臣等議於河南山東兩都府內。起遣未差軍士一千三名以備扈從制。可。五月樞密臣又言。比奉令。肯放散軍人。臣等議常制以三月一日放散。六月一日起限。今放散既遲。可令於八月一日起限。從之。

儀仗軍

世祖至元十三年十二月上尊號。受冊告祭天地宗廟。調左右中三衛軍五十人為蹕街清路軍。

武宗至大二年十二月上尊號。百官行朝賀禮。樞密院調軍一千人備儀仗。三年十月上皇太后尊號。

行冊寶禮。用內外儀仗軍數及防護五色甲馬軍二

百人。四年二月合祭天地太廟社稷用蹕街清道及守內外墻門軍一百八十人命以圍宿軍爲之事畢還役七月以奉迎武宗玉冊祔廟用清路蹕街軍一百五十人管軍千戶百戶各一員九月以祭享太廟用蹕街清路軍一百五十人千戶百戶各一員仁宗皇慶元年三月天壽節行禮用內外儀仗軍一千人

英宗至治元年十一月命有司選控鶴衛士及色目漢軍以備鹵簿儀仗十二月定鹵簿儀仗用軍士二千二百二十人萬戶千戶百戶四十五員仍議用軍

毋分彼此秦國公平章知院俺普平章瑣住等軍東西布列乘機掃殄太尉遼陽左丞相也先不花郡王知院厚孫等軍捍禦海口藩屏畿輔皇太子愛猷識理達臘悉總天下兵馬裁決庶務具如前詔壬戌白虹貫日癸亥罷內府河役甲子擴廓帖木兒自晉寧退守興寧

大明兵至通州。知樞密院事卜顏帖木兒力戰被擒死之。左丞相失列門傳旨令太常禮儀院使阿魯渾等奉太廟列室神主與皇太子同北行阿魯渾等卽至太廟與署令王嗣宗太祝哈刺不華襲護神主畢仍

留室內乙丑白虹貫日罷內府興造詔准王帖木兒
不花監國慶童爲中書左丞相同守京城丙寅帝御
清寧殿集三宮后妃皇太子皇太子妃同議避兵北
行失列門及知樞密院事黑廝窟者趙伯顏不花等
諫以爲不可行不聽伯顏不花慟哭諫曰天下者世
祖之天下陛下當以死守奈何棄之臣等願率軍民
及諸怯薛互出城拒戰願陛下固守京城卒不聽至
夜半開健德門北奔八月庚申

大明兵入京城國亡後一年帝駐于應昌府又一年
四月丙戌帝因痢疾殂於應昌壽五十一在位三十

六年大尉完者院使觀百奴奉梓宮北葬五月癸卯
大明兵襲應昌府皇孫真的里八剌及后妃并寶玉
皆被獲皇太子愛猷識禮達臘從十數騎遁
大明皇帝以帝知順天命退避而去特加其號曰順
帝而封買的里八剌爲崇禮侯

紀卷第四十七終

天啟三年刊

元史紀卷四十七

七

大正三平... 元史紀略卷四...

帝前挂買伯里入博慈崇斷...

大册皇帝以帝扶... 夫命聖授而去... 其...

脊... 皇... 大... 册... 帝... 以... 帝... 扶... 夫... 命... 聖... 授... 而... 去... 其...

大册... 皇... 帝... 以... 帝... 扶... 夫... 命... 聖... 授... 而... 去... 其...

六... 册... 帝... 以... 帝... 扶... 夫... 命... 聖... 授... 而... 去... 其...

